


資治通鑑綱目

正編
廿三

內閣文庫		
番號	漢	1837
冊數	107 (42)	
函號	別 6	1



資治通鑑綱目卷之二十三

明 史官陳仁錫評閱

起巳亥晉安帝隆安三年 凡十二年
盡庚戌晉安帝義熙六年

巳三年 長樂元年 秦弘始元年 魏元興二年 春正
亥三年 涼主呂纂咸寧元年 北凉天璽元年

南凉徙治龜茲

南凉王秃髮烏孤謂羣臣曰隴右河西本數
郡之地遭亂分裂至十餘國呂氏乞伏氏段
氏最彊今欲取之三者何先楊統曰乞伏本
吾部落終當伏從段氏書生無能為患且結

統為烏
孤效謀

好於我攻之不義。呂光衰老嗣子微弱。纂弘雖有木而內相猜忌。若使浩亶廉川乘虛迭出。彼必疲於奔命。不過二年。兵勞民困。則姑臧可圖也。姑臧舉。則二寇不待攻而服矣。烏

善。曰

集覽 浩亶注見漢宣帝神爵元年

質實

樂都郡名注見漢宣帝元

康四年。湟中隴右。即隴西郡。注見秦王政三年。河西郡名。注見漢安帝元初元年。廉川郡名。注見孝武帝太元二十年。姑臧縣名。注見元帝建武元年。

二月魏主珪襲高車大破之

魏主珪北巡。分命諸將三道襲高車。大破高車三十餘部。獲七萬餘口。馬三十餘萬匹。衛

王儀別將三萬騎。絕漠千餘里。破其七部。諸部大震。

質實

高車西域國名。注見孝武

帝太元十六年

段業自稱涼王

業以沮渠蒙遜為尚書左丞。梁中庸為右丞。

三月魏分尚書諸曹置五經博士

考異

提要漏置字

魏主珪分尚書三十六曹及外署。凡置三百六十曹。令八部大人主之。吏部尚書崔宏通署三十六曹。如令僕統事。置五經博士。增國子太學生員合三千人。珪問博士李先曰。天

活跋涉珪
聖效中國

教

下何物可以益人神智。對曰：莫若書籍。圭曰：書籍有幾。如何可集。對曰：自書契以來。世有滋益。至今不可勝計。苟人主所好。何憂不集。珪遂命郡縣大索書籍。悉送平城。[崔宏]東武城人。[李先]中山人。書契以來。尚書序曰：古者伏犧氏之王天下也。始畫八卦。造書契。以代結繩之政。帝王世紀曰：伏羲氏仰觀象於天。俯察理於地。中觀鳥獸之文。與地之宜。近取諸身。遠取諸物。於是造書契也。[平城]縣名。注見漢高帝七年。

質實

書法

置博士何。予道武也。道武始稱皇帝。首有此舉。可謂知所尚矣。

發明

魏於是乎漸進矣。晉為衣冠文物之主。而罷遣生徒。不修孔廟。迭書于冊。

拓跋何人。乃能置五經博士。綱目書以予之。宜矣。春秋之法。美在夷狄。則責在中國。

南燕苻廣叛南燕王德。擊斬之。滑臺降。魏德遂

東寇青兗

考異

據李朗書討誅之。此擊斬二字。當作討誅。

初秦主登之弟廣帥眾依南燕王德。德處之乞活堡。至是自稱秦王。時滑臺孤弱。土無十城。眾不過萬。隋德者多去附廣。德乃留魯王和守滑臺。自帥眾討廣。斬之。和長史李辯殺和。以滑臺降魏。魏行臺尚書和跋帥輕騎自鄴赴之。悉收德宮人府庫。陳穎之人多附於魏。將軍慕容雲斬辯。帥將士家屬出附德。德欲還攻滑臺。韓範曰：嚮也魏為客。吾為主。今

也吾為客魏為主人心危懼不可復戰不如先據一方自立基本乃圖進取張華欲取彭城潘聰曰彭城土曠人稀平夷無險且晉之舊鎮未易可取又密邇江淮夏秋多水乘舟而戰者吳之所長我之所短也青州沃野二千里精兵十餘萬左有負海之饒右有山河之固廣固城曹嶷所築地形阻峻三齊英傑思得明主以立功於世久矣晉刺史辟閭渾昔為燕臣今宜遣辯士馳說而以大兵繼其後若其不服取之如拾芥耳既得其地然後閉關養銳伺隙而動此乃陛下之關中河內也德乃引師而南兗州北鄙諸郡縣皆降德置守宰以撫之禁軍工虜掠百姓大悅

集覽

三齊注見漢王劉邦元年辟閭渾辟

閭注見穆帝永和十二年關中河內漢光武遺寇恂守河內謂曰昔高帝留蕭何鎮關中吾今委公以河內當給足軍糧率厲士馬關中注見惠帝元康九年河內注見漢桓帝延熹九年質實帝太元九年陳顛二州名陳注見周赧王三十七年顛注見梁武帝天監三年彭城郡名注見秦始皇二十八年廣固城名注見穆帝永和七年

追尊所生母陳氏為德皇太后○夏四月以會

稽世子元顯為揚州刺史

醉態與鄭伯有同

政之最善者

除

會稽王道子有疾且無日不醉元顯知朝望去之諷朝廷解道子揚州以授元顯道子醒而後知之大怒無如之何元顯以廬江太守張法順為謀主多引樹親黨朝貴皆畏事之

質實

廬江郡名注見漢景帝五年

燕除公侯金帛贖罪法

燕主盛士日一決獄不加拷掠多得其情下詔曰法例律公侯有罪得以金帛贖此不足以懲惡而利於王府甚無謂也自今皆令立功以自贖

秋七月秦寇洛陽八月魏人來救

後秦齊公崇寇洛陽河南太守辛恭靖嬰城固守雍州刺史楊佺期遣使求救於魏魏遣

一太尉穆宗將六萬騎救之

質實

洛陽縣名注見周顯王元年河南郡名注見秦莊襄

王三年三川

書法

於是佺期求救於魏魏人來救則書求書來嘉助順也綱目嘉助順是故

魏人來援則書漢後主炎興元年魏人來救則書是年

魏殺其御史中丞崔逞

初魏將軍張袞以才謀為魏主珪腹心袞薦中州士人盧溥及崔逞珪皆用之及圍中山

通鑑綱目

卷之三十三 晉安皇帝隆安三年

五

正編

久未下軍食乏問計於群臣逞對曰桑椹可以佐糧飛鴉食而改音者也珪雖用其言然心銜之秦人寇襄陽雍州刺史郝恢以書求救於魏常山王遵謂珪為賢兄珪以恢無禮命衮及逞為復書必貶其主而衮逞謂帝為貴主珪遂大怒逞之降魏也以天下方亂恐無復遺種使妻子留冀州至是珪并以是責逞賜死而溥亦受燕爵命侵掠魏境珪謂衮所舉皆非其人黜為尚書令史衮闔門不通人事手較經籍歲餘而終

質實 中州

猶言中夏中國也中山國名注見周威烈王二十三年襄陽縣名注見漢獻帝建安十二年雍州注見齊和帝中興元年常山郡名注見漢光武建武九年冀州注見秦二世二年

信都

南涼王烏孤卒弟利鹿孤立徙治西平

考異 立當

作嗣

質實

西平郡名注見漢宣帝元康四年湟中

○南燕王德陷廣

固殺幽州刺史辟閭渾遂都之

南燕王德使說幽州刺史辟閭渾不從遂遣北地王鍾帥步騎擊之德進據琅邪徐兗之民歸附者十餘萬渤海太守封孚燕舊臣也聞德至出降德大喜曰孤得青州不為喜喜得卿耳遂委以機密渾守廣固其下多出降渾懼奔魏德追斬之渾子道秀自詣德請與

父俱死德曰父雖不忠而子能孝特赦之渾參軍張瑛為渾作檄辭多不遜德執而讓之瑛神色自若徐曰渾之有臣猶韓信之有蒯通通遇漢主而生臣遇陛下而死北之古人竊為不幸耳德殺之遂定都廣固

質實

幽州注見唐高祖武德四年北地郡名注

見漢哀帝建平元年琅邪郡名注見漢光武建武五年渤海郡名注見漢獻帝建安八年南皮韓信之有蒯通通遇漢主而生蒯通范陽人楚漢時說士有權變武信君嘗用其策降燕趙二十餘城韓信用其計遂定齊地自序其說號曰雋永凡八十一首事在漢高帝十一年

九月燕遼西太守李朗謀叛其主盛討誅之

燕遼西太守李朗在郡十年威行境內燕主盛疑之累徵不赴朗亦以家在龍城未敢顯叛陰召魏兵許以郡降事覺盛滅朗族遣將軍李旱討之旱既行急召而復遣之朗聞其家被誅擁二千餘戶以自固及聞旱還謂有內變不復設備留其子守令支自迎魏師於北平旱襲克令支追朗斬之

集覽

北平索隱曰此北平縣名也隸中山郡正義曰

今定州北平縣是又右北平注見秦王政三年

質實

遼西郡名注見漢獻帝建安十

年龍城縣名注見帝奕太和四年和龍令支縣名注見成帝咸康四年北平縣名注見漢

高祖七年
年曲逆

秦主興降號稱王

興以災異屢見降號稱王詔群公卿士將牧守宰各降一等存問孤貧舉拔賢俊簡省法令清察獄訟守令有政迹者賞之貪殘者誅之遠近肅然

姚興德政

冬十月秦陷洛陽

秦寇洛陽辛恭靖固守百餘日魏救未至秦兵拔洛陽獲之恭靖見秦王興不拜曰吾不為羗賊臣興囚之恭靖逃歸淮漢以北多降於秦

質實

辛恭靖狄道人洛陽縣名

注見周顯王三年

孫恩為寇江左遂終于其亂

孫恩寇陷會稽殺內史王凝之詔徐州刺史謝琰及劉牢之討破之以琰為會稽太守

會稽世子元顯性苛刻生殺任意發東土諸郡免奴為客者置京師以充兵役東土囂然孫恩因民心騷動自海島攻會稽內史王凝之世奉天師道不出兵亦不設備官屬請討之凝之曰我已請大道借鬼兵守諸津要不足憂也恩遂陷會稽殺凝之於是八郡之人一時起兵殺長吏以應恩旬日中眾數十萬時三吳承平日久民不習戰郡縣兵皆望風

國勢削弱
至此

宋祖劉裕
初見

奔潰恩據會稽自稱征東將軍號其黨曰長
生人醢諸縣令以食其妻子不食則支解之
所過焚掠刊木堙井表會稽王道子及元顯
之罪請誅之自帝即位以來內外乖異石頭
以南皆為荆江所據以西皆豫州所專京口
及江北皆劉牢之及廣陵相高雅之所制朝
政所行三吳而已及恩作亂八郡皆為恩有
畿內盜賊遙起恩黨亦有潛伏在建康者人
情危懼於是內外戒嚴加道子黃鉞元顯領
中軍將軍命徐州刺史謝琰討之牢之亦發
兵討恩拜表輒行琰擊斬義興吳郡群盜與
牢之轉鬪而前所向輒克琰留屯烏程遣司
馬高素助牢之進臨浙江詔以牢之都督吳
郡諸軍事初彭城劉裕生而母死父翹僑居

京口家貧將棄之同郡劉懷敬之母裕從母
也往救而乳之及長勇健有大志僅識文字
以賣履為業好樗蒲為鄉閭所賤至是牢之
引參軍事使將數十人覘賊遇賊數千人即
迎擊之從者皆死裕墜岸下賊臨岸欲下裕
奮長刀仰斫殺數人乃得登岸仍大呼逐之
殺傷甚眾劉敬宣惟裕久不返引兵尋之見
裕獨驅數千人咸共嘆息因進擊賊大破之
恩驅男女二十餘萬口東走多棄寶物子女
於道官軍競取之恩由是得脫復逃入海島
牢之縱軍暴掠士民失望朝廷憂恩復至
以琰為會稽太守都督五郡軍事戍海浦

集

覽 烏程春秋楚為菰城春申君邑也秦置烏
程縣屬會稽杜預曰在吳興郡北按吳興

今湖質實海島注見成帝咸康四年三吳注

州是見簡文帝咸安二年石頭城名注

見漢獻帝建安十七年京口郡名注見成帝

咸和三年廣陵郡名注見漢武帝元朔五年

淮南蠡起注見秦二世二年徐州注見秦始皇

皇二十八年彭城義興郡名注見孝武帝太

元十七年吳郡注見漢獻帝建安五年一統

志云烏程秦之縣名屬會稽郡因烏氏程氏

善釀故名漢永建中改屬吳郡孫吳於此置

吳興郡隋罷郡以縣屬蘇州尋置湖州宋屬

安吉州元屬湖州路本朝因之為湖州府

治所仍屬焉浙江注見秦始皇三十七年樗

蒲注見隋文帝開皇十七年彭城郡名注見

秦始皇二十八年劉敬宣彭城人牢之子

以會稽世子元顯錄尚書事質實會稽郡名注

元元年見漢和帝永

時謂道子為東錄元顯為西錄西府車騎填

奏東第門可張羅元顯所親信率皆佞諛諷

禮官立議公卿以下見者皆拜時國用虛竭

公卿日廩七升而元顯聚歛不已富踰帝室

桓玄舉兵攻江陵殺殷仲堪楊佺期考異提要

有及雍州楊上

刺史五字

殷仲堪恐桓玄跋扈乃與佺期結婚為援佺

期屢欲攻玄仲堪每止之玄恐終為殷楊所

滅乃求廣其所統執政亦欲構使乖離乃加
玄都督荊州四郡軍事又以玄兄偉代佺期
兄廣為南蠻校尉佺期忿懼欲與仲堪共襲
玄仲堪多疑少決苦禁止之參軍羅企生謂
其弟遵生曰殷侯仁而無斷必及於難吾蒙
知遇義不可去必將死之是歲荊州大水仲
堪竭倉廩以賑饑民玄欲乘其虛而伐之乃
發兵西上聲言救洛先遣兵襲取巴陵積穀
食之仲堪遣楊廣等拒之皆為所敗江陵乏
食以胡麻廩軍急召佺期自救佺期曰江陵
無食可來相就共守襄陽仲堪給之曰比來
收集已有儲矣佺期帥步騎八千至江陵仲
堪唯以飯餉之佺期大怒曰今茲敗矣不見
仲堪與其兄廣共擊玄大敗單騎奔還仲堪

及桓玄來
攻仲堪猶
勤于請禱

亦奔鄱城玄遣將軍馮該追獲皆殺之仲堪
奉天師道禱請鬼神不吝財賄而嗇於周急
好為小惠以悅人病者自為診脈分藥用計
倚伏煩密而短於鑒畧故至於敗仲堪之走
也文武無送者惟羅企生從之路經家門遵
生曰作如此分離何可不一執手企生旋馬
授手遵生牽下之曰家有老母去將何之企
生揮淚曰今日之事我必死之汝等奉養不
失子道一門之中有忠與孝亦復何恨遵生
抱之愈急遂不得去及玄至荊州人士無不
請玄者企生獨不往而營理仲堪家事玄遣
人謂曰若謝我當釋汝企生曰吾為殷荊州
史荊州敗不能救尚何謝為玄乃收之復問
欲何言企生曰從公乞一弟以養老母玄乃

殺企生而赦其弟

集覽

胡麻夢溪筆談曰胡麻直是今油麻更無他說其角有六

稜者有八稜者中國麻今謂之大麻張騫始自六宛得油麻種亦謂之麻故以胡別之謂

漢麻為大麻鄮城即南陽鄮縣也注見漢高帝六年分藥分猶言合和倚伏注見梁孝元

帝承聖元年

正誤

分藥今按謂以藥分給與人也

質實

跋扈注見漢質帝本

初元年羅企生豫章人巴陵郡名注見宋文帝元嘉三年江陵縣名注見漢獻帝建安十

年

書法

方鎮相攻晉之不綱甚矣殷楊不書官罪之也罪之則曷為不書誅玄不

得而誅之也

發明

桓玄何以不書反所攻者江陵也仲堪佺期何以不書誅玄不得而誅之

也然則予之乎曰玄書舉兵則見其反叛之實安有天子在上而人臣擅自舉兵者

哉仲堪佺期不書官則見其有罪之實安有方鎮大臣無故為人所殺者哉要亦各

致其責而已此輕重之權衡也

涼王光卒太子紹立庶兄纂殺而代之

考異

當立

作嗣殺當作弑據永嘉四年書漢主淵卒太子和立其弟聰弑而代之永和五年書趙主虎卒

太子世立其兄遵弒之及其太后劉氏而自立皆書弒不書殺
考證 立當作嗣
○謹按呂光據涼建國十有四年諄諄遺命授其世嫡諸子果如其言弟兄緝睦以禦外侮則涼祚豈易量哉紹受國於先君者也君也纂受先君遺命輔嗣皇為其太尉臣也違先君命殺紹而奪其國以臣弒君以庶奪嫡有國有家者可不監哉故當曰太子紹嗣庶兄纂弒而代之

光疾甚立紹為天王自號太上皇以太原公纂為太尉常山公弘為司徒謂紹曰今三隣伺隙吾沒之後使纂統六軍弘管朝政汝恭已無為委重二兄庶幾可濟若內相猜忌則蕭牆之變至矣又謂纂弘曰永業才非撥亂直以立嫡有常猥居元首汝兄弟緝睦則祚

紹不忍圖兄不失為厚

流萬世若內自相圖則禍不旋踵纂弘泣曰不敢及光卒紹祕不發喪纂排閭入哭盡哀而出紹懼以位讓之纂不許光弟子超謂紹曰纂為衆積年威震內外臨喪不哀步高視遠必有異志宜早除之紹曰先帝言猶在耳柰何棄之縱其圖我我視死如歸終不忍有此意也弘謂纂曰主上闇弱未堪多難兄宜為社稷計不可徇小節也纂弘於是夜帥壯士攻廣夏門左將軍齊從抽劍直前斫纂中額左右擒之纂曰義士也勿殺呂超帥卒二千赴難衆數憚纂不戰而潰纂入升殿紹自殺超奔廣武纂憚弘兵彊以位讓之弘不受纂乃即天王位以弘為大都督錄尚書事纂叔父方鎮廣武纂遣使謂曰超實忠臣義勇

可嘉但不識權變之宜方賴其用可集覽永

以此意諭之超上疏陳謝復其爵位集覽永

紹小質實并州蕭牆猶言屏牆也馮敬曰蕭

字蕭也臣之見君至屏而加肅敬故曰蕭牆一

統志云廣武古地名漢為枝陽縣地前涼置

廣武郡於此隋罷郡置廣武縣唐寶應間陷

于吐蕃故城在臨洮府蘭縣西二百二十里

庚子燕長樂二秦弘始二魏天興三年南

四年燕建平元南涼王禿髮利鹿孤建和元

年西涼李暠庚子元年是歲西秦降秦

舊大國三南涼北南燕小國四新小國一

凡人借國春正月燕主盛自貶號為庶人天王西

秦遷都苑川質實苑川郡名注見孝

武帝太元十年

二月燕主盛襲高句麗拔二城

高句麗王安事燕禮慢燕主盛自將兵

三萬襲之拔新城南蘇開境七百餘里質實

高句麗東夷國名注見新莽始建國

四年新城南蘇二城名未詳處所

三月魏立慕容氏為后

初魏主珪納劉頭眷之女寵冠後庭生子嗣

及克中山獲燕主寶之幼女將立皇后用其

國故事鑄金人以卜之集覽鑄金人按元

容氏所鑄成遂立為后魏故事凡欲

立皇后皇子必先以金鑄其象而占之。以鑄成者為吉，不成則不得立也。**質實** 中國名注見周威烈王二十三年

詔桓玄都督荆江八州軍事荆江州刺史 **考異**

提要無 詔字

玄既克荆雍，表求領荆江，詔以玄都督荆司等七州軍事，領荆州刺史。玄固求江州，乃加督八州，領二州刺史。玄輒以兄偉為雍州刺史，朝廷不能違。**質實** 荆雍二州名。荆注見漢獻帝建安十二年，雍注見漢獻帝建安十二年。襄陽江州名，注見漢武帝元鼎五年。

年豫章司州名，注見秦莊襄王元年三川郡

涼呂弘作亂涼王纂殺之 **考異** 殺當作誅

涼王纂忌大司馬弘功高地逼，弘亦自疑，遂以東苑之兵作亂。纂遣兵擊之，弘眾潰出走。纂兵大掠，悉以東苑婦女賞軍。弘妻子亦在其中，侍中房晷曰：天禍涼室，憂患仍臻，雖弘自取夷滅，亦由陛下無棠棣之恩，當省已責躬以謝百姓，乃更縱掠士女，百姓何罪？且弘妻陛下之弟婦，弘女陛下之姪也，柰何使無賴小人辱為婢妾乎？遂歔歔流涕。纂改容謝之，召弘妻子寘東宮，厚撫之。弘將奔南涼，道過廣武，呂方見之，大哭曰：天下甚寬，汝何為

至此乃執弘送〔集覽〕棠棣之恩棠棣小雅詩

獄纂遣人殺之〔集覽〕周公第二叔之不咸而使兄弟之恩疏召公為作此詩而歌之以親之左傳僖二十四年富辰曰召穆公思周德之不類故糾合宗族于成周而作詩曰棠棣之華鄂不韡韡凡今之人莫如兄弟〔質〕

〔實〕東苑地名未詳處所

北涼以李暠為敦煌太守

初隴西李暠好文學有令名孟敏為沙州刺史以暠為效穀令敏卒治中索僊等以暠温毅有惠政推為敦煌太守請於段業業因授之將軍索嗣言於業曰暠不可使處敦煌業

以嗣代暠使帥五百騎之官暠遣同母弟宋中逆擊之嗣敗走還暠表業請誅嗣業乃殺之

〔集覽〕效穀敦煌郡效穀縣本魚澤障漢武時濟南崔不意為魚澤尉教民力田

以勤效得穀因立縣名焉按〔質實〕隴西郡名敦煌在長安西二千八百里〔質實〕注見秦王

政三年〔沙州〕注見漢武帝元朔三年敦煌〔治中〕官名事物紀原云秦置郡丞以佐郡守左

邊為長史掌兵馬漢因之又設治中別駕於右邊主眾曹文書隋開皇中改別駕治中為長史司馬大業中罷之尋置贊治又治通守唐武德中又改贊治曰治中〔敦煌〕郡名注見

漢武帝元朔三年



夏五月孫恩復寇會稽太守謝琰敗死恩轉寇臨海遣兵討之不克

謝琰鎮會稽不能緩懷又不為武備諸將咸諫曰賊近在海浦伺人形便宜開其自新之路琰不聽既而恩寇浹口入餘姚破上虞乘勝徑至會稽琰出戰兵敗為帳下所殺恩轉寇臨海朝廷大震遣將軍桓石

質實

一統志云浹口

才高雅之等拒之為恩所敗即大浹舊之口在寧波府定海縣治南東晉末劉裕與孫恩戰退還浹口即此餘姚縣名注見康帝建元元年上虞古邑名舜封支庶於會稽故邑即此秦為縣屬會稽郡東漢順

帝時分置始寧縣隋初以上虞始寧二縣廢入會稽縣唐貞元初復置上虞縣屬越州宋元俱仍舊本朝因之改屬紹興府臨海郡注見孝武帝太元二年

六月朔日食○秋七月太皇太后李氏崩○秦

擊西秦西秦王乾歸戰敗奔南涼遂奔秦

後秦遣姚碩德伐西秦西秦王乾歸使將軍慕容兀等屯守秦軍樵采路絕秦王興潛引兵救之乾歸聞之自將輕騎數千前候秦軍會大風昏霧與中軍相失入於外軍戰敗走歸其眾皆降興進軍抱罕乾歸奔金城將復西走謂諸豪帥曰今舉國而去必不得免卿等

宜留此降秦以全宗族皆曰生死願從陛下
乾歸曰吾今將寄食於人若天未亡我庶幾
異日克復舊業復與卿等相見今相隨而死
無益也乃大哭而別遂奔允吾乞降於南涼
南涼王利鹿孤待以上賓秦兵既退南羗梁
戈等密招乾歸乾歸將應之或以白利鹿孤
乾歸懼為所殺乃送太子熾磐等於西平
南奔抱罕遂降於秦父之熾磐亦逃歸

集

覽允吾允音鉛吾音牙縣名也屬金城郡在河西

質實

抱罕縣名注見漢靈帝中

平元年金城郡名注見元帝永昌元年
允吾縣名注見漢光武建武中元二年

九月地震

書法

自晉武太康九年書地震至是一百一十三年然後復見自是至於五代

書地震九而已然則地震之數莫

甚於兩漢者矣兩漢書地震九十

○冬十一月詔劉牢之討孫恩走之

劉牢之討孫恩恩走入海牢之東屯上虞使
劉裕戍句章吳國內史袁崧築滬瀆壘以備
之

集覽

句章注見漢武帝元鼎六年滬瀆水名滬瀆在秀州華亭縣東江之側

蓋虞潭袁崧防海處又在蘇州吳縣界陸
龜蒙叙矢魚之具云列竹於海溼曰滬

質

實吳國注見漢獻帝建興三年袁崧陽夏人
喬之子一統志云滬瀆城名在蘇州府城

東一百里唐陸龜蒙叙矢魚之具云列竹於海濱曰滬蓋以此名瀆也吳郡太守袁崧築壘于此以備孫恩今名滬瀆城又名袁崧城

以會稽世子元顯都督楊豫等十六州軍事○

李暲自稱涼公

西涼北涼自此而分

北涼晉昌太守唐瑤叛移檄六郡推暲為沙州刺史涼公暲遣宋繇東伐涼興并擊玉門巴西諸城皆下

質實

晉昌郡名注見漢靈帝中平五年沙州注見漢

武帝元朔三年玉門關注同上元鼎二年

十二月有星孛于天津會稽世子元顯解錄尚

書事

元顯以星變解錄尚書事復加尚書令吏部尚書車胤以元顯驕恣白會稽王道子請禁抑之元顯問道子曰車武子屏人言及何事道子怒曰爾欲幽我不令與朝士語邪元顯出謂其徒曰胤問我父子胤懼自殺魏太史屢奏天文乖亂魏主珪自覽占書云當改王易政乃下詔風厲羣下以帝王繼統皆有天命不可妄干又數變易官名欲以厭塞災異

集覽

厭塞厭音益涉反廣雅云厭鎮也

質實

天津注見義熙十四年車胤南

平人育之子武
子車胤表字

魏置僊人博士

儀曹郎董謐獻服餌僊經珪置僊人博士立僊坊煮鍊百藥成令死罪者試服之不驗而訪求不已

書法

僊人博士何方士也魏主卒以寒食散誤故特書譏之自是服僊藥者唐

太宗於天竺方士憲宗於柳泌武宗於趙歸真宣宗於李玄伯受誤不一書矣綱目書方士十四人詳秦始皇二十八年書僊人博士者一而已

發明

魏前日置五經博士是也今乃置僊人博士此何義哉且所謂仙者徒有其名而已而乃置官以領之則其謬妄不言可知書以譏之宜矣

魏殺其左將軍李粟

魏主珪常以燕主垂諸子分據勢要使權柄下移遂至敗亡深非之博士公孫表希旨上韓非書勸珪以法制御下李粟性簡慢對珪疎放不肅咳唾任情珪積其宿過誅之羣下皆震

質實

韓非書卽刑名法律之學
注見漢武帝建元元年

南燕王德稱帝更名備德

南燕德慕
容眇之少
子也

備德嘗問群臣朕可方古何主鞠仲曰陛下
 中興聖主少康光武之儔也備德顧左右賜
 仲帛千匹仲以多辭備德曰卿知調朕朕不
 知調卿邪韓範進曰天子無戲言今日之論
 君臣俱失備德大悅賜範絹五十匹
 [質實] 少康夏后氏中興之
 君詳見通鑑外紀光
 武東漢中興之君
 詳見漢書本紀

辛丑五年 [藏] 主慕容熙光始元 [秦] 弘始三 [魏] 天興
 四年 [涼] 王呂隆神鼎元 [北涼] 王沮渠

蒙遜永安元年 [考異] 主當作王提要 春正月南涼置都

督中外錄尚書官

輸勿崙之言甚安分

南涼王利鹿孤欲稱帝將軍輸勿崙曰吾國
 被髮左衽無冠帶之飾逐水草遷徙無城郭
 室廬故能雄視沙漠抗衡中夏今舉大號誠
 順民心然建都立邑難以避患儲蓄倉庫啓
 敵人心不如處晉民於城郭勸課農桑以供
 資給帥國人以習戰射隣國弱則乘之強則
 避之此久長之策也且虛名無實徒爲世之
 質的將安用之利鹿孤乃更稱河西王以其
 弟儁檀都督中外錄尚書事
 [集覽] 輸勿崙人名也輸托侯
 反質的詩發彼有的注
 毛云的質也周禮注鄭衆馬融云鵠之中二
 尺曰正四寸曰質王肅又引小爾雅鵠之中
 謂之正正方二尺正中謂之槩槩則質也今
 鄉射記天子熊侯白質諸侯麋侯赤質大夫

布侯畫虎豹士布侯畫鹿豕凡畫者丹質鄭云白質赤質皆謂采其地又荀子質的張而弓矢至焉楊倞注云質的侯也的正鵠也然則毛以的為質鄭馬謂四寸曰質王謂正之中為藥而藥為質者皆誤矣

質實 被髮左衽注見漢靈

帝中平二年沙漠注見

宋文帝元嘉元年沙南

二月孫恩寇句章劉牢之擊走之

考異 擊走當作討據

三年書劉牢之討破之四年書遣兵討之劉牢之討孫恩走之並不書擊

○秦使乞

伏乾歸還鎮苑川

質實

苑川地名注見孝武帝太元十年

○涼

纂弒紹纂位不踰年而見弒

呂超弒其君纂而立其兄隆纂后楊氏自殺

纂嗜酒好獵太常楊穎諫之不悛番禾太守呂超擅擊鮮卑思盤纂命超及思盤入朝超懼至姑臧深自結於殿中監杜尚纂見超責之曰卿恃兄弟桓桓乃敢欺吾要當斬卿天下乃定然實無意殺之也因引超思盤及羣臣宴於內殿超兄中領軍隆數勸纂酒纂醉超取劍擊殺之纂后楊氏命禁兵討超杜尚止之皆捨杖不戰超讓位於隆隆遂即天王位以超都督中外錄尚書事楊后將出宮超恐其挾珍寶命索之后曰爾兄弟不義手刃相屠我旦夕死人安用寶為超又問玉璽所在后曰已毀之矣后有美色超將納之謂其

纂后楊氏
死節

通鑑綱目

卷二十三

三

父桓曰、后若自殺、禍及卿宗、桓以告后、后曰、大人賣女與氏、以圖富貴、一之謂甚、其可再乎。遂自殺。**集覽**番禾音盤、和武威郡屬縣在桓奔河西。**集覽**涼州或曰金城郡邑、桓桓書收誓篇勗哉夫子尚桓桓。**質實**河西郡名、注蔡氏傳曰桓桓威武貌。**質實**見漢安帝元年初元年。

書法

秦后毛氏書死之孝、武帝太元十四年、此其書自殺、何毛氏死難、書死之宜也。呂纂之弑楊氏、非有決死之心、不為呂超所逼、未必自殺、其與死難者固異矣。書曰自殺、權衡之辭也。

三月孫恩攻海鹽劉牢之參軍劉裕擊破之

異提要攻作寇、據上會稽臨海句章下丹徒皆書寇、此誤書攻、當從提要作寇。○又誤書擊

當作
討

恩北趣海鹽、劉裕隨而拒之、城中兵少、裕夜偃旗匿眾、明晨開門、使羸疾數人登城、賊遙問裕所在、曰、夜已走矣、賊爭入城、裕奮擊、大破之、恩乃進向滬瀆、裕復追之、不利、引歸。

集覽

海鹽今嘉興府海鹽州、按嘉興古秀州也、在浙西。

質實

一統志云海鹽

秦之縣、名屬會稽郡、漢因之、王莽改曰展武、縣後陷為湖、移治武原、鄉改為武原縣、東漢

通鑑綱目

卷二十三

晉安皇帝隆安五年

三

正編

復為海鹽屬吳郡又改為故邑縣晉復為海鹽陳省入鹽官縣唐初復置五代晉時屬秀州宋初仍舊後屬嘉興府元陸為州本朝仍為縣屬嘉興府

南涼擊涼徙其民二千戶以歸

其後南涼王利鹿孤命群臣極言得失從事史嵩曰陛下命將出征往無不捷然不以綏寧為先唯以徙民為務民安土重遷故多離叛此所以斬將搴旗而地不加廣也利鹿孤善之集覽搴旗注見陳宣帝太建十一年

夏五月北涼沮渠蒙遜弒其君業

北涼王業憚沮渠蒙遜勇畧蒙遜亦深自晦匿張掖太守馬權素豪雋為業所親重意輕蒙遜蒙遜譖而殺之乃謂其兄男成曰段公非撥亂之主向所憚者馬權今權已死欲除之以奉兄何如男成曰人親信我圖之不祥蒙遜乃求為西安太守因與男成約同祭蘭門山而陰使人先告男成欲為亂以求祭蘭門山為驗至期果然業收男成賜死男成曰蒙遜先與臣謀反臣以兄弟之故隱而不言今以臣在恐部眾不從故約臣祭山而反誣臣其意欲王之殺臣也乞詐言臣死暴臣罪惡蒙遜必反然後使臣討之無不克矣業不聽殺之蒙遜泣告眾曰男成忠於段王而無故枉殺之諸君能為報讐乎男成素得眾心

衆皆憤怒爭奮北至氏池羌胡多起兵應之業先疑將軍田昂囚之至是召之使討蒙遜昂以衆降業軍遂潰蒙遜入張掖業謂曰孤孑然一已爲公家所推願丐餘命東還與妻子相見蒙遜斬之業儒素長者無他權畧威禁不行群下擅命尤信卜筮巫覡故至於敗

質實

張掖郡名注見漢後主建興十三年西安郡名未詳沿革蘭門山未詳處所氏

池未詳處所巫覡注見漢隱帝祐三年

孫恩陷滬瀆殺吳國內史袁崧

質實

滬瀆城名注見隆安

四年吳國注見漢獻帝建興三年

○六月孫恩寇丹徒劉裕擊

破之恩北走陷廣陵

考異

擊當作討

孫恩浮海奄至丹徒戰士十餘萬樓船千餘艘建康震駭內外戒嚴劉牢之使劉裕自海鹽入援裕兵不滿千人倍道兼行與恩俱至丹徒守軍莫有鬪志恩帥衆鼓譟登蒜山居民皆荷擔而立裕帥所領奔擊大破之恩狼狽僅得還船然恩猶恃衆復整兵向京師譙王尚之帥精銳馳至恩樓船高大泝風不得疾行數日乃至白石聞尚之在建康牢之至新洲乃浮海北走郁洲攻陷廣陵桓玄厲兵訓卒常伺朝廷之隙聞恩逼京師建牙聚衆請討之後將軍元顯大懼會恩退以詔書止之玄乃解嚴

集覽

建牙注見漢獻帝初

平三年 **質實** 丹徒縣名注見漢景帝三年建康郡名注見漢獻帝興平二年

一統志云霖山在鎮江府城西五里大江岸上山多澤蒜因名或云吳周瑜與蜀諸葛亮

議拒曹操于此籌筭又曰筭山東晉末劉裕大破孫恩于此南唐徐知誥嘗遊此山會僚

屬狼狽注見漢獻帝初平三年京師注見周顯王二十五年白石壘名注見宋明帝泰始

元年白下新洲未詳處所郁洲山名在淮安府胸山東北海中有大洲謂之鬱洲又名郁

洲一名郁鬱山一名蒼梧山或云昔從蒼梧飛來

沮渠蒙遜自稱張掖公

亦號北涼

秋七月魏狗許昌東至彭城 **質實** 許昌縣名注見漢獻帝興

平元年彭城郡名注見秦始皇二十八年 ○秦伐涼大破之西涼南

涼北涼皆遣使人貢於秦

涼王隆多殺豪望人不自保魏安人焦朗使人說後秦姚碩德曰呂氏兄弟相賊政亂民饑乘其篡奪之際取之易於反掌不可失也碩德以告其主興而從之自金城濟河直趣姑臧隆遣呂超等逆戰碩德大破之隆嬰城固守於是西涼公暲河西王利鹿孤張掖公

蒙遜各遣使奉表入貢於秦秦主興聞楊桓之賢而徵之利鹿孤不敢留

集覽

姑臧

涼所都注見漢光武建武十二年

質實

按魏安疑是郡縣之名按一統志襄陽府漢

川縣即西魏時魏安郡又重慶府墊江縣乃後周時魏安縣此二處未知孰是所以不敢

註之智者察焉河西郡名注見漢安帝元初元年

八月以劉裕為下邳太守討孫恩於郁洲大破

之質實

下邳郡名注見漢高帝六年

恩由是衰弱復緣海南走裕隨而擊之

燕段璣弒其君盛太后丁氏立盛叔父熙討璣

殺之考異

按璣弒逆之臣當書誅誤作殺

燕王盛懲其父寶以懦弱失國自矜聰察多所猜忌羣臣有纖介之嫌皆先事誅之人不自保初段太后兄之子璣為反者段登辭所連及逃奔遼西復還歸罪盛赦之使尚公主入直殿內至是作亂盛帥左右出戰被傷而卒中壘將軍慕容拔白太后丁氏以國家多難宜立長君時眾望在盛弟平原公元而河間公熙素得幸於丁氏乃廢太子定迎熙入宮即天王位捕璣等夷三族元定皆賜死

集覽

尚公主公羊傳注天子嫁女於諸侯

必有諸侯同姓者主之故謂之公主漢書注
劉貢父曰予謂公主之稱本諸秦舊男為公
子女為公主古者大夫妻稱主故以公配之
若謂同姓主之故謂之公主則是周之事秦
不之用也韋昭曰尚奉也奉事公主
也不敢斥言娶顏師古曰尚配也
郡名注見漢獻帝建安十年平原郡名注見
漢光武建武五年河間郡名注見漢帝玄更
始二年

九月涼王隆遣使降秦

秦隴西公碩德圍姑臧累月撫納夷夏分置
守宰節食聚粟為持久計呂超言於涼王隆

曰今資儲內竭上下嗷嗷當早辭以退敵敵
去之後修政息民若卜世未窮何憂舊業之
不復若天命去矣亦可保全宗族隆乃遣使
請降於秦碩德表隆為涼州刺史碩德軍令
嚴整秋毫不犯祭先賢禮名士西土悅之

質實

隴西郡名注見秦王政三年

冬十一月劉裕追擊孫恩破之

考異

此誤書擊當作討

○涼攻魏安南涼救之

涼呂超攻焦朗於魏安朗請救於南涼利鹿
孤遣將軍傉檀赴之比至超已退朗閉門拒
之傉檀怒將攻之將軍俱延曰朗孤城無食
今年不降後年自服何必多殺士卒以攻之

若其不捷，彼必去從他國。棄州境士民以資隣敵，非計也。不如以善言論之，俛檀乃與朗連和，尋伐取之。

桓玄表桓偉鎮夏口刁暢鎮襄陽

桓玄表其兄偉為江州刺史，鎮夏口。司馬刁暢督八郡，鎮襄陽，遣其將馮該戍湓口。自謂有晉國三分之二，數使人上巳符瑞，欲以惑衆。又致牋於會稽王道子曰：「賊造近郊，以風不得進，食盡故去，非力屈也。昔國寶死後，王恭不乘此威入統朝政，足見其心非侮於明公也。而謂之不忠，今之腹心，誰有時望，豈無佳勝，直是不能信之耳。」元顯見之，大懼。張法

順謂曰：「玄承籍世資，素有豪氣，既并殷楊，專有荆楚，第下所控引止三吳耳。今東土塗地，公私困竭，玄必乘此縱其姦凶。」元顯曰：「為之奈何？」法順曰：「玄始得荊州，人情未附。若使劉牢之為前鋒，而以大軍繼進，玄可取也。」元顯以為然。會武昌太守庾楷密使人自結於元顯，請為內應。元顯大喜，遣法順至京口，謀於牢之。牢之以為難，法順還曰：「觀牢之言色，必貳於我，不如召入殺之，不爾，敗人大事。」元顯不從。於是「大治水軍謀討玄。」
質實 江州注見漢武帝元鼎五年豫章夏口地名注見漢獻帝建安十三年「湓口」地名注見元興三年「襄陽」縣名注見漢獻帝建安十二

年武昌郡名注見
漢後主建興七年

壬寅 **元興元年** ○ **光始二** **秦弘始四** **魏天興五** **春**

正月以尚書令元顯為征討大都督加黃鉞討

桓玄 **考異** 提要作會稽世子元顯

下詔罪狀桓玄以元顯為驃騎大將軍征討大都督加黃鉞劉牢之為前鋒譙王尚之為後部張法順言於元顯曰桓謙兄弟每為上流耳目而牢之反覆萬一有變則禍敗立至可令牢之殺謙兄弟以示無貳若不受命當逆為其所元顯曰今非牢之無以敵玄且始

事而誅大將人情不安又以桓冲有遺惠於荆土而謙其子也乃除謙荆州刺史以結西人之 **質實** **黃鉞** 注見漢後主建興六年桓冲 **譙** 國人彝之子荆州注見漢獻帝

建安十二年

柔然據漠北自稱可汗

初魏主珪遣賀狄干獻馬求昏於秦秦王興聞魏已立慕容后止狄干而絕其昏由是魏與秦有隙攻其屬國沒奕干黜弗素古延柔然杜崙方睦於秦遣將救之大敗遠遁漠北奪高車之地而居之遂吞併諸部士馬繁盛雄於北方其地西至焉耆東接朝鮮南臨大

柔然始強盛

漢旁側小國皆羈屬焉自號豆代可汗始立
約束以千人為軍軍有將百人為幢幢有帥
攻戰先登者賜以虜獲畏懦者以石擊其首殺之
集覽沒奕干注見
年黜弗素後秦之屬國古延亦後秦
屬國柔然社崙社崙柔然國王名
西域國名注見漢安帝永寧元年朝
鮮東夷國名注見漢武帝元封二年

南涼攻涼顯美克之

南涼王禿髮傉檀克顯美執太守孟禕而責
其不早降禕曰禕受呂氏厚恩分符守土若
明公大軍甫至望旗歸附恐獲罪於執事矣
傉檀釋而禮之以為左司馬禕辭曰禕為人

守城不能全復忝顯任於心竊所未安若蒙
明公之惠使得就戮姑臧死且不朽傉檀義
而遣之
質實顯美疑是郡名未詳沿革姑臧
縣名注見漢光武建武十二年

桓玄舉兵反

東土遭孫恩之亂因以饑饉漕運不繼桓玄
禁斷江路商旅俱絕公私匱乏以糶橡給士
卒玄謂朝廷多虞必未暇討已可以蓄力觀
釁及聞大軍將發乃大驚欲完聚保江陵長
史卞範之曰明公威振遠近元顯口尚乳臭
劉牢之大失物情若兵臨近畿示以禍福士
崩之勢可翹足而待何有延敵入境自取窮
蹙者乎玄從之留桓偉守江陵抗表傳檄罪

兵

狀元顯舉兵東下檄至〔集覽〕糲橡糲扶牛反元顯大懼下船而不發〔糲〕糲粥也橡似兩

反柶〔質實〕見漢獻帝建安十三年〔江陵〕縣名注實也〔質實〕見漢獻帝建安十三年〔傳檄〕注見

楚義帝元年檄〔翹足〕注見漢光武建武九年

〔書法〕書討書拒恒也此其書反何討玄之師未至而玄兵先至姑孰矣元顯逗

遛之罪可勝誅哉

二月魏襲沒奕干沒奕干奔秦

魏常山王遵等率兵襲沒奕干至高平沒奕干棄其部眾帥數千騎與劉勃勃奔秦州魏

軍盡獲其府庫蓄積馬四萬餘匹徙其民於代都復遣兵侵河東長安大震〔集覽〕

劉勃勃〔注〕見懷帝永嘉四年鐵弗〔質實〕高平縣名注見漢光武建武六年秦州注

同上建武八年河東郡名注見漢獻帝建安七年長安縣名注見漢惠帝五年

秦立子泓為太子

泓孝友寬和喜文學善談詠而懦弱多病秦王興欲以為嗣而狐疑不決久乃立之〔質實〕

〔質實〕狐疑注見秦王政三年

北涼攻涼姑臧不克

姑臧大饑餓死者十餘萬口城門晝閉樵采路絕沮渠蒙遜引兵攻之涼王隆擊破其軍蒙遜請盟留穀萬餘斛遺之

玄兵至姑孰三月劉牢之叛附於玄元顯軍潰玄入建康自以太尉總百揆殺元顯等以牢之

為會稽內史牢之自殺

桓玄發江陵慮事不捷常為西還計及過尋陽甚喜詔遣齊王柔之以騶虞幡止之為玄所殺玄至歷陽襄城太守司馬休之敗走譙王尚之眾潰玄捕獲之劉牢之素惡元顯又

劉牢之反覆不恒顧任以討逆事何能濟

慮功高不為所容自恃材武擁彊兵欲假玄以除執政復伺玄隙而自取之參軍劉裕請擊玄牢之不許玄使牢之族舅何穆說之曰自古戴震主之威挾不賞之功而能自全者誰邪今戰勝則傾宗戰敗則覆族不若翻然改圖則可以長保富貴矣牢之遂與玄通東海何無忌牢之之甥也與劉裕極諫不聽其子敬宣又諫牢之怒曰吾豈不知今日取玄如反覆手但平玄之後令我柰驃騎何遂遣敬宣詣玄請降玄陰欲誅牢之乃與敬宣宴飲陳名書畫共觀之以安悅其意敬宣不覺也元顯將發聞玄已至新亭棄船退軍二日復出陳於宣陽門外軍中相驚言玄已至南桁元顯遂引兵欲還宮玄遣人拔刀隨後大

呼曰放仗軍人皆奔潰元顯走入東府玄遣從事收縛數之元顯曰為法順所誤耳玄入京師稱詔解嚴自為丞相總百揆都督中外錄尚書事揚州牧復讓丞相而為太尉以桓偉為荊州刺史桓脩為徐兗刺史桓石生為江州刺史卞範之為丹陽尹王謐為中書令徒會稽王道子於安成郡斬元顯尚之庾楷張法順以劉牢之為會稽內史牢之曰始爾便奪我兵禍其至矣敬宣勸牢之襲玄牢之猶豫告劉裕曰今當北就高雅之於廣陵舉兵以匡社稷卿能從我乎裕曰將軍以勁卒數萬望風降服彼新得志威震天下朝野人情皆已去矣廣陵可得至邪裕當反服還京口耳退謂何無忌曰吾觀鎮北必不免卿可

正

隨我還京口玄若守臣節當與卿事之不然當與卿圖之於是牢之大集僚佐議據江北以討玄參軍劉襲曰事之不可者莫大於反將軍往年反王兖州近日反司馬郎君今復反桓公一入三反何以自立語畢趨出佐吏多散走牢之懼帥部曲北走至新洲縊而死

集覽

騶虞幡注見惠帝元康元年柰騶騎何時元顯為驃騎將軍牢之素惡之故云

新亭金陵覽古新亭在江寧縣南十里附近江渚周顛嘗與群公遊宴于此南楸楸與航通方舟也駕方舟以為橋在國之南故名南楸故仗呼令放棄兵仗東府輿地志東府城晉安帝所築其城西本簡文帝為會稽時第其東丞相會稽王道子府謝安石薨以道子

代鎮揚州州在第四西故時人號為東府西州
總百揆書舜典納于百揆蔡氏傳曰揆度也
百揆揆度庶政之官惟唐
虞有之猶周之冢宰也

質實

姑孰縣名注見明帝太寧

元年尋陽縣名注見漢獻帝建安十五年歷
陽縣名注見漢冲帝永嘉元年襄城郡名注
見周赧王十五年東海郡名注見秦二世二
年一統志云新亭在應天府城南一十五里
附近江渚東晉初過江僕射周顛與群公遊
宴于此顛嘆曰風景不殊舉目有江山之異
因而流涕王導曰諸公當戮力王室克復神
州何至作楚囚對泣耶眾皆肅然整容東府
城名在應天府青溪橋東南臨淮水晉會稽
王道子領揚州其宅在州東故號曰東府安

成都三國吳所置治平都縣晉廬陵郡屬揚
州安成郡屬荊州元康初俱屬江州隋廢二
郡以廬陵縣置吉州大業初復為廬陵郡唐
改吉州天寶初改廬陵郡乾元初復為吉州
屬江南西道宋屬江南西路元初為吉州路
後改吉安路本朝改為吉安府屬江西道
丹陽郡名注見漢獻帝興平二年金陵猶豫
注見秦孝文王元年京口郡名注見成帝咸
和三年王兗州謂王恭司馬郎君謂司馬元
顯桓公謂桓玄部曲注見唐代宗廣德元年

書法

詳牢之懲
叛者也

發明

前日王恭書反故牢之無嫌於執之
以降今日桓玄書反是亦前日之王

恭也牢之不惟不能討玄而誅之乃為其所休反附於玄故綱目書叛以正其誅光小人反覆本不足道也特書法之間不可以不嚴爾○桓玄隆安二年已與王恭同反陷江州時玄尚未有所統朝廷既不能討乃就用為刺史未幾又加都督四郡反欲仗玄以制殷楊二人既戮玄遂都督荆江八州非復前日之玄矣孫恩連年入寇玄幸晉朝顛覆以為已利又表桓偉鎮夏口才暢鎮襄陽兇威既熾朝廷方謀討之玄遂舉兵肆逆誘牢之破官軍殺元顯自總百揆於是篡勢竟成不可復止然玄本斗筭之才初非其父温之比遭值晉室衰微得逞其欲追繼乃父凶德以成厥志綱

目削去其官書反書討書入不以亂故不正其名然而時元顯任征討之責不戰而潰遂無一人抗拒其與王蘇之亂死節赴難者史不絕書大不侔矣君子觀此又可以知晉氏之盛衰云

孫恩寇臨海郡兵擊破之恩赴海死玄以恩黨

盧循為永嘉太守 考異 擊當作計

孫恩寇臨海太守辛景擊破之恩所虜三吳男女死亡殆盡恐為官軍所獲乃赴海死其黨從死者以百數謂之水僊餘眾數千人復推恩妹夫盧循為主循謀之曾孫也神采清

秀雅有才藝少時沙門惠遠嘗謂之曰君雖體涉風素而志存不軌如何桓玄欲撫安東土乃以循為永嘉守循雖受命而寇暴不已

集覽

三吳蕪子瞻指掌圖序三蜀三

吳之已殊注云三吳今蕪潤湖三州是也臨海本漢時治縣地吳分為東部都尉在臨海後置臨海郡唐改為台州永嘉晉明

質實

臨海

郡名注見孝武帝太元二年不軌注見漢靈帝和光五年永嘉郡名注見漢惠帝三年東

書法

書玄以何著再亂之中也

南涼王利鹿孤卒弟儻立

考異

立當作嗣

始稱涼王徙樂都

質實

樂都郡名注見漢宣帝元康四年湟中

夏四月玄出屯姑孰

玄辭錄尚書事出屯姑孰大政皆就諮焉小事則決於尚書令桓謙及卞範之自隆安以來人厭禍亂玄初至黜奸佞擢雋賢京師欣然冀得少安既而奢豪縱逸凌侮朝廷裁損乘輿供奉帝幾不免

質實

姑孰縣名注見明帝太寧元年乘輿

注見漢安帝延光四年

三吳大饑

三吳大饑，戶口減半，臨安永嘉殆盡，富室皆衣羅紈，懷金玉，閉門餓死。

五月，盧循寇東陽，劉裕擊走之。


考異 按上文書寇此擊字

當作 **質實** 東陽郡名注見 ○秦王興攻魏敗績

其將姚平死之

秦王興大發諸軍，遣義陽公平等將以伐魏，興自將大軍繼之。平攻魏乾壁，拔之。魏主珪遣長孫肥為前鋒，自將大軍繼後以禦之。平遣驍將帥精騎二百覘魏軍，肥逆擊，盡擒之。

平退走，珪追及於柴壁，平嬰城固守，魏軍圍之。興將兵四萬救之，將據天渡運糧以餽平。魏博士李先曰：兵法高者為敵所棲，深者為敵所囚。今秦皆犯之，宜遣奇兵先據天渡。柴壁可不戰而取也。珪命增築重圍，內防平出，外拒興入。將軍安同曰：汾東有蒙阮，東西三百餘里，蹊徑不通，興來必從汾西，直臨柴壁。如此虜聲勢相接，重圍雖固，不能制也。不如為浮梁渡汾西，築圍以拒之。虜至無所施其智力矣。珪從之。帥步騎三萬逆擊興於蒙阮之南，興退走四十餘里，平亦不敢出。興屯汾西，束柏材從汾上流縱之，欲以毀浮梁。魏人皆鉤取為薪，平糧竭，矢盡，夜悉眾突圍不得出，乃帥麾下赴水死，餘眾二萬餘人皆斂手。



就擒與力不能救舉軍慟哭數遣使求和於魏珪不許乘勝進攻蒲坂會柔然謀伐魏乃

引兵還汾東有蒙阮蒙阮在**集覽**汾水之東晉州之南**質實**義陽郡名注見

梁武帝太清二年汾東汾水之東注見周威烈王二十三年汾西汾水之西注同上年浮

梁注見周世宗顯德二年麾下注見漢獻帝建安十四年蒲坂縣名注見周赧王十二年

將軍司馬休之劉敬宣高雅之奔南燕

玄殺吳興守高素將軍竺謙之及劉襲等皆牢之北府舊將也襲兄軌邀司馬休之劉敬宣高雅之等共據山陽欲起兵攻玄不克而走將軍袁虔之劉壽等皆往從之將奔魏至

陳留南分為二輩軌休之敬宣奔南燕虔之壽等奔秦魏主初聞休之等當來大喜後恠其不至令兗州求訪獲其從者問之皆曰聞

崔逞被殺故奔二國魏主深悔之自是士人有過頗崔逞被殺事**集覽**在隆安三年**質實**吳興郡名注見優容

始六年山陽郡名注見帝奕太和四年陳留郡名注見周顯王二十九年

燕王熙殺其太后丁氏

考異一本作燕主誤按殺字當作弑據太

元二十一年書燕主寶弑其太后段氏不書殺

燕王熙納苻謨二女有寵丁太后怨恚與兄子尚書信謀廢熙立章武公淵事覺熙逼丁

太后令自殺併殺淵及信

質實

章武郡名注見穆帝升平四年

書法

成殺故主班母羅氏非母后也故書殺丁氏書太后矣則其不書弒何罪

丁氏也初熙得幸丁氏丁氏廢太子定而立之既而爭寵又欲廢熙熙遂逼之自殺若此不足以母一國矣故特書殺太后弒書殺終綱目一而已矣

發明

此何以不書弒丁既失身於熙故不得為其君母然猶書太后者所以著

熙墻茨之醜也

玄殺會稽王道子

玄使御史杜林防衛道子至安成林承玄旨醜殺之

質實

會稽郡名注見漢和帝永

元年

北涼梁中庸奔西涼

北涼西郡太守梁中庸叛奔西涼西涼公髡問曰我何如索嗣中庸曰未可量也髡曰嗣才度若敵我者我何能於千里之外以長繩絞其頸邪中庸曰智有短長命有成敗若以身死為負計行為勝則公孫

集覽

我何如索嗣前年李

嵩擊索嗣嗣敗走還公孫瓚豈賢於劉虞漢獻帝詔瓚討烏桓令受虞節度瓚性貪殘虞

性仁愛二人不相平虞遂為瓚所斬事在初平四年

秦遣使授南涼北涼西涼官爵

癸卯二年光始三秦弘始五魏天興六年春廬

循使其黨徐道覆寇東陽建武將軍劉裕擊破

之考異擊當作討

道覆循之姊夫也

桓玄自為大將軍

玄上表請帥諸軍平關洛而諷朝廷不許乃云奉詔故止玄初欲飭裝先命作輕舸載服玩書畫或問其故對曰兵凶戰危脫有意外當使輕而易運眾皆笑之質實關洛

即關中洛陽也關中注見唐玄宗開元十一年京兆洛陽注見周顯王三年

夏四月朔日食○南燕遣使隱覈蔭戶

南燕王備德優遷徙之民使之長復不役民緣此迭相蔭冒或百室合戶或千丁共籍以避課役尚書韓諱請加隱覈備德從之使諱巡行郡縣得蔭戶五萬八千集覽長復音福除也長復永久除免徭賦也諱竹角反

五月燕作龍騰苑

燕王熙作龍騰苑方十餘里役徒二萬人築景雲山於苑內基廣五百步峯高十七丈

質實

龍騰苑未詳處所

秋七月魏殺其平原太守和跋

跋奢豪喜名魏主珪惡而殺之使其弟毗等就與訣跋曰灑北土瘠可遷水南勉為生計毗等諭其意逃入秦魏主怒滅其家將軍鄧淵從弟暉與跋善或譖之曰毗之出亡暉實送之魏主疑淵知其謀賜淵死

集覽

灑注見愍帝建興元年

秦徵呂隆為散騎常侍以王尚為涼州刺史

南北涼互出兵攻呂隆秦之謀臣言於秦主興曰隆今饑窘尚能自支若將來豐贍終不為我有不如因其危而取之興乃徵呂超入侍遣齊難帥兵迎之隆素車白馬迎于道苑難以司馬王尚行涼州刺史鎮姑臧徙隆宗族及民萬戶于長安興以隆為散騎常侍超為安定守郭麇奔

集覽

郭麇姓名

質實

涼州注見

唐中宗景龍二年長安縣名注見漢惠帝五年姑臧縣名注見漢光武建武十二年安定

郡名注同上元年

劉裕追盧循至晉安破之

何無忌潛詣裕勸於山陰起兵討桓玄裕謀於土豪孔靖靖曰山陰去都道遠舉事難成不如待玄篡位於京口圖之裕從之

質實 晉安郡名注見漢武帝建元三年閩中何無忌東海郟人一統志云山陰秦之縣名屬會稽郡以邑在山之陰故名漢為郡都尉治東漢徙會稽郡治此隋初廢入會稽縣唐初復置宋元俱仍舊本朝因之為紹興府治所仍屬焉

九月玄自為相國封楚王加九錫

殷仲文卜範之勸玄早受禪朝廷冊命玄為相國總百揆封楚王加九錫楚國置丞相以下官桓謙私問彭城内史劉裕曰楚王勳德隆重朝廷之情咸謂宜有揖讓卿以為何如

劉裕曰楚王勳德蓋世晉室民望久移乘運禪代有何不可謙即喜曰卿謂之可即可耳

質實 九錫注見漢平帝元始五年桓謙譙國人

南燕講武城西

高雅之表南燕主備德請伐玄曰縱未能廓清吳會亦可收江北之地韓範亦上疏曰晉室衰亂戎馬單弱重以桓玄悖逆上下離心拓地定功正在今日失時不取彼之豪傑誅

滅桓玄更修德政則無望矣備德因講武城西步卒三十七萬人騎五萬三千匹車萬七千乘公卿皆以玄新得志未可圖乃止

質實

吳會郡名注見漢獻帝建安十二年

冬十一月楚王玄稱皇帝廢帝為平固王遷于

尋陽

玄表請歸藩使帝作手詔固留之詐言錢塘臨平湖開江州甘露降使百僚集賀為已受命之符又以前世皆有隱士耻獨無之求得皇甫希之給其資用使居山林徵為著作郎又使固辭然後下詔旌禮號曰高士時人謂之充隱又欲廢錢用穀帛及復肉刑制作無

定卒無所施性復貪鄙人士有法書好畫及佳園宅必假蒲博而取之尤愛珠玉未嘗離手至是下範之為禪詔逼帝書之遣司徒王謐禪位于楚出居永安宮百官請姑孰勸進玄築壇於九井山北即帝位改元永始封帝為平固王遷於尋陽玄入建康宮登御座而床忽陷羣下失色殷仲文曰將由聖德深厚地不能載玄大悅玄臨聽訟觀閱囚徒罪無輕重多得原放有于輿乞者時或卹之以其祖彝以上名位不顯不復追尊獨納桓温神主于太廟下承之曰宗廟之祭上不及祖有以知楚德之不長矣玄性苛細好自矜伐主者奏事或一字片辭之謬必加糾擿以示聰明或手注直官或自用令史詔令紛紜有司

奉答不暇而紀綱不治奏案停積不能知也又性好遊畋更繕宮室朝野騷然思亂者衆

集覽

錢塘臨平湖開錢塘今杭州是州北有大湖上有臨平鎮即其地也三國吳人

言於吳主孫皓曰臨平湖自漢末歲塞長老言湖塞天下亂湖開天下平今無故忽開此

天下當太平青蓋入洛之祥也皓自以為已瑞時晉武帝咸寧二年也後四年皓降晉平

固縣名屬南康郡此南康今贛州是有于輿乞者時或卹之全本云云其好行小惠如此

質實

錢塘縣名注見漢獻帝興平元年一統志云臨平湖在杭州府城東北六十里

舊名鼎湖自漢末壅塞晉咸寧中復開父老相傳云此湖開天下平故名臨平署作郎官

名事物紀原云漢陳京使名儒碩學入直東觀撰述國史謂之著作以他官領之未以為

官也魏太和中始置著作郎晉元興初又謂之大著此其始也肉刑注見漢文帝十三年

蒲博即擣蒲博奕也注見隋文帝開皇十七年九井山在太平府城南一十里山有九井

世傳晉桓溫所鑿元和志殷仲文九月九日嘗從溫登九井賦詩即此勸進注見元帝建

武元年姑孰縣名注見明帝太寧元年紀綱注見宋文帝元嘉元年教綱紀

書法

莽倫書自稱玄亦莽倫也其不書自何莽受金匱即服玉冠御前殿下詔

即真倫詐傳神語逼奪璽綬備法駕入宮即皇帝位皆無故而然者也故書自玄則

不然使卜範之草為禪詔帝手書之或者
得以禪讓之說欺天下後世矣故從魏晉
書法書稱書廢綱目一
字之筆削豈苟然哉

書法 桓玄矯稱符命文飾姦詐大類王莽
然綱目書其自為相國加九錫稱帝

廢遷之類與歷代無異何哉玄固無成之
魏晉而魏晉乃有成之玄爾成敗雖有不
同篡竊則出一轍此書法
所以不得不據其實也

益州刺史毛璩起兵討玄

玄遣使加璩左將軍璩不受
命傳檄列玄罪狀進屯白帝
質實 益州注見武帝泰始

士氣

八年百帝城名注見
漢獻帝建安十七年

書法 書起兵討予倡義也故
通鑑不書綱目特書之

魏初制冠服

魏始命有司制冠服以品秩
為差然法度草創多不稽古

甲 三年 **魏** 光始四 **泰** 弘始
辰 六 **魏** 天賜元年 春二月劉裕起兵京

口討玄玄使弟謙拒之

劉裕從徐兗刺史桓修入朝玄謂王謚曰裕
風骨不常蓋人傑也每遊集必引接殷勤贈

賜甚厚。玄妻劉氏亦謂玄曰：「裕龍行虎步，視瞻不凡，恐終不為人下，不如早除之。」玄曰：「我方平蕩中原，非裕莫可用者。俟關河平定，別議之耳。」玄以桓弘鎮廣陵，刁逵鎮歷陽。裕與何無忌同舟還京口，密謀興復。劉邁弟毅家於京口，亦與無忌謀之。無忌曰：「桓氏疆盛，其可圖乎？」毅曰：「天下自有疆弱，苟為失道，雖疆易弱。正患事主難得耳。」無忌曰：「草澤之中，非無英雄也。」毅曰：「所見唯有劉下邳，無忌笑而不答。還以告裕，遂與定謀。平昌孟昶為桓弘主簿，至建康還，裕謂之曰：「草間當有英雄起，卿頗聞乎？」昶曰：「今日英雄有誰，正當是卿耳。」於是裕毅無忌昶及裕弟道規諸葛長民等相與合謀起兵，道規為桓弘參軍，裕使毅就

道規昶共殺弘，據廣陵。長民為刁逵參軍，使殺逵。據歷陽，無忌夜草檄文，其母密窺之，泣曰：「吾不及東海呂母明矣。汝能如此，吾復何恨。」裕托以遊獵，與無忌收合徒眾，得百餘人。詰旦，京口門開，無忌著傳詔服，稱勅使居前，徒眾隨之，入斬桓修，以徇。裕問無忌曰：「急須一府主簿，何由得之？」無忌曰：「無過劉道民，道民者，東莞劉穆之也。」裕曰：「吾亦識之，即馳信召焉。」時穆之聞京口謹譟聲，晨起出陌頭，屬與信會，直視不言者久之，返室壞布裳為袴，往見裕。裕曰：「始舉大義，須一軍吏甚急，卿謂誰堪其選？」穆之曰：「倉猝之際，畧當無見踰者。」裕笑曰：「卿能自屈，吾事濟矣。」即於坐署主簿。孟昶勸桓弘其日出獵，天未明開門出獵，孟

昶與劉毅劉道規帥壯士數十人直入斬之
因收衆濟江衆推裕爲盟主總督徐州事以
昶爲長史守京口裕帥二州之衆千七百人
軍于竹里移檄遠近玄加桓謙征討都督謙
等請亟遣兵擊裕玄曰彼兵銳甚討出萬死
若有蹉跌則彼氣成而吾事去矣不如屯大
衆於覆舟山以拒之彼空行二百里無所得
銳氣已挫忽見大軍必驚愕我按兵堅陣勿
與交鋒彼求戰不得自然散走此策之上也
謙等固請乃遣吳甫之皇甫敷相繼北上玄
憂懼特甚或曰裕等烏合微弱勢必無成何
慮之深玄曰劉裕足爲一世之雄劉毅家無
擔石之儲樗蒲一擲百萬何無忌酷似其
舅共舉大事何謂無成甫之玄驍將也

集

覽東海呂母新莽天鳳四年琅邪海曲有呂
母者子爲縣吏宰以小罪殺之呂母乃傾

家貲以報讐 **質實** 一統志云平昌漢之縣名屬平

名平昌省高重平二縣入焉隋屬德州唐以
般縣省入五代唐改爲德平縣宋省入安德

縣元符初復置屬德州金元俱仍舊本朝
因之改屬濟南府劉邁沛人劉下邳謂劉裕

爲下邳守也建康郡名注見漢獻帝興平二
年歷陽縣名注見漢沖帝永嘉元年東莞郡

名注見義熙五年劉穆之莒人徙居京口竹
里山名注見隆安元年蹉跌注見漢順帝陽

嘉二年覆舟山在應天府城西北七里東連
鍾山北臨玄武湖劉宋改名真武山以其北

臨玄武湖故名廣陵郡名注見漢武帝元朔五年淮南酷似其舅舅謂劉牢之也

南涼去年號罷尚書官

僭檀畏秦之疆乃去年號罷尚書丞郎官遣參軍關尚使于秦秦王興曰車騎獻款稱藩而擅造大城豈為臣之道乎尚曰車騎僻在遐藩密邇勅敵蓋為國家重門之防耳興善之僭檀求領

質質

涼州興不許 涼州注見唐中宗景龍二年

三月劉裕及桓謙戰于覆舟山大破之玄出走

裕立留臺于石頭

三月朔裕軍與吳甫之遇於江乘斬之至羅落橋皇甫敷帥數千人逆戰又斬之玄使桓謙屯東陵下範之屯覆舟山西合眾二萬明日裕軍食畢悉棄餘糧數道並前裕與劉毅身先士卒進突其陳將士皆殊死戰因風縱火謙等大潰玄先已潛使殷仲文具舟至是遂將其子昇鞭馬趣石頭浮江南走經日不食悲不自勝裕入建康明日徙屯石頭城立留臺百官焚桓温神主迎晉新主納于太廟遣諸將追玄尚書王嘏帥百官奉迎乘輿誅玄宗族在建康者使臧熹入宮收圖籍器物封閉府庫玄司徒王謐與眾議推裕領揚州裕固辭乃以謐為侍中領揚州刺史錄尚書事謐推裕為都督八州徐州刺史劉毅為青

劉穆之所
以竭節盡
誠者凡以
為裕耳非
心于晉也
與荀彧之
在漢劉文
靜之在唐
一意

州刺史何無忌為琅邪內史孟昶為丹陽尹
劉道規為義昌太守諸大處分皆委於劉穆
之倉猝立定無不允愜裕遂托以腹心時晉
政寬弛綱紀不立豪族陵縱小民窮感穆之
斟酌時宜隨方矯正裕以身範物先以威禁
內外肅然○初謚為玄佐命元臣手解帝璽
綬以授玄及玄敗眾謂宜誅裕特保全之劉
毅嘗因朝會問謚璽綬所在謚內不自安逃
奔曲阿裕追還復位諸葛長民至豫州失期
不得發刁達執之檻車送桓玄未至而玄敗
送人共破檻出長民還起歷陽達棄城走其
下執以送裕斬於石頭子烜皆死裕初名微
位薄輕狡無行盛流皆不與相知惟王謚獨
奇貴之謂曰卿當為一代英雄裕嘗與刁達

擣蒲不時輸直達縛之馬柳謚責達而代償
中是裕憾達而德謚蕭方曰夫蛟龍潛伏魚
鰕褻之是以漢高赦雍齒魏武免梁鵠安可
以布衣之嫌而成萬乘之隙也今王謚為公
刁達亡族酬恩報怨何其狹哉○初袁真殺
梁國內史朱憲憲弟綽奔桓溫溫克壽陽綽
輒發真棺戮其尸溫怒將殺之桓冲請而免
之綽事冲如父冲薨綽嘔血而卒至是綽子
齡石為劉裕參軍從至江乘將戰齡石請曰
世受桓氏厚恩不欲以兵刃相向請在軍後
裕義而許之

集覽

覆舟山在建康城北五里晉北
郊壇宋藥園壘藥遊苑水并北
露亭皆在此山漢高赦雍齒高帝平生所憎
為最甚者雍齒也帝見諸將坐沙中語意其

謀反故先赦雍齒而封

正誤

魏武免梁鵠今按晉書衛桓傳

梁鵠以書至選部尚書後奔劉表魏武帝破荆州募求鵠鵠之為選部也魏武欲為洛陽

令而以為北部都尉故懼而自縛詣門署軍假司馬在祕書以勤書自効

質實

江乘

縣名注見漢後主建興二年東陵疑是地名未詳處所臧熹東莞莒人壽之弟楊州刺史

注見漢獻帝興平二年義昌郡名未詳處所重綬注見漢光武建武三年曲阿縣名注見

漢獻帝興平元年豫州注見周赧王三十七年陳梁國注見漢景帝三年壽陽郡名注見

齊主寶卷永元二年

魏詔縣戶不滿百者罷之○玄至尋陽逼帝西

上劉毅等率兵追之

考異

提要劉上有青州刺史四字

桓玄於道自作起居注叙討劉裕經畧舉無遺策諸軍違節度以致奔敗專覃思著述不

暇與羣下議事

質實

尋陽縣名注見漢獻帝建安十五年

劉裕推武陵王遵承制行事

裕稱受密詔以遵承制入居東宮內外畢敬遷除稱制教稱令

質實

武陵國名注見

漢光武建武二十四年承制謂承奉制詔也東宮注見宋文帝元嘉二十七年

劉敬宣司馬休之自南燕來歸

劉敬宣高雅之結青州大姓及鮮卑豪帥謀殺南燕王備德推司馬休之為主謀泄南走南燕人追殺雅之敬宣休之至淮泗間聞桓玄敗遂來歸劉裕以敬宣為晉陵太守休之為荊州刺史

質實

鮮卑東胡種名注見漢光武建武二十五年

書法

來者何喜辭也凡奔書歸嘉復義也玄虐出奔玄敗來歸二子可謂知節矣綱目予復義故敬宣休之書元畧書元或書賀拔勝書獨孤信書

發明

敬宣休之出奔避桓玄也今而來歸則知義矣故書

夏四月玄挾帝入江陵

桓玄挾帝至江陵恐威令不行更峻刑罰眾益離怨

質實

江陵縣名注見漢獻帝建

安十三年

何無忌等及玄兵戰于桑洛洲大破之得太廟

神主送建康

考異

提要何上有琅邪內史四字

桓玄遣庾稚祖何澹之等守湓口何無忌劉道規至桑洛洲澹之等逆戰澹之常所乘舫旗幟甚盛無忌曰賊帥必不居此欲詐我耳今眾寡不敵戰無全勝此舫戰士必弱我以


安帝名為共主而挾之江陵者再挾之東下者一視君不啻如嬰兒矣

勁兵攻之必得之。得之則彼勢沮而我氣倍。因而薄之。破賊必矣。遂攻得之。因傳呼曰。已得何澹之矣。賊軍驚擾。官軍亦以為然。乘勝大破之。遂克湓口。進據尋陽。遣使奉送宗廟主。祔還京師。
集覽 湓口。漢灌嬰築盆口城。即此案。十道四蕃志。太平寰宇記。皆云。盆水出清盆山。因山名水也。字本不從水。有今盆作湓。而或讀如噴。則是世俗所誤也。又湓城。注見梁敬帝太平元年。桑落洲在大江之中。江北則安慶府宿松縣。相距百餘里。江南則江州湖口縣也。江州圖經云。九江始於鄂陵。終於桑落。是已。又東到武陵洲。即桑落洲。下尾也。
王祔 神主。注見漢光武建武二年。宗祔。注見隋文帝開皇二十年。
質實

一統志云。湓口。湓浦之口。在九江府城西。一十五里。源出瑞昌縣青盆山。亦名盆水。相傳昔嘗有人。此處洗銅盆。水忽暴漲。失盆投水。取之。見一龍銜盆。奪之而出。故名盆水。桑落洲在安慶府宿松縣南。一百九十里。九江口昔江水泛漲。流一桑于此。因名。晉劉毅與盧循戰於桑落洲。即此。薄之。注見齊和帝中興元年。

玄挾帝東下

桓玄收集荊州兵。曾未三旬。有眾二萬。復帥諸軍挾帝東下。使徐放說劉裕等散甲。裕等不聽。
質實 荊州。注見漢獻帝建安十二年。



以劉敬宣為江州刺史

質實

江州注見漢武帝元鼎五年豫章

○燕起逍遙宮

燕王熙於龍騰苑起逍遙宮連房數百鑿曲光海盛夏士卒不得休息喝死大半

集

覽 喝死喝於歇反中暑死也史記禹扇喝杜甫詩武王親救喝注引世說周武王見喝

人王下車自左擁而右扇之

質實

曲光海未詳處所

書法

書起何峻字也故以臺觀之辭書之凡宮殿書起皆譏也終綱目宮殿書

起五漢武帝明光 明帝北宮燕逍遙 陳後主三閣唐憲宗承暉 惟明帝既而罷之非

譏 辭

五月劉毅等及玄戰于崢嶸洲大破之玄復挾

帝入江陵寧州督護馮遷擊玄誅之帝復位

考

異 擊當 作討

劉毅何無忌劉道規帥眾自尋陽西上與桓玄遇於崢嶸洲毅等兵不滿萬人而玄戰士數萬眾憚之欲退道規曰不可彼眾我寡疆弱異勢今若不進必為所乘雖至尋陽豈能自固夫決機兩陣將雄者克不在眾也因麾眾先進毅等從之玄常漾舸於舫側以備敗

走由是眾莫有鬪心毅等乘風縱火盡銳爭先玄眾大潰玄挾帝單舸西走留永安何皇后及王皇后於巴陵殷仲文因叛玄奉二后還建康玄與帝入江陵欲奔漢中而人情乖沮乃與腹心百餘人夜出更相殺害僅得至船左右奔散荆州別駕王康產奉帝入南郡府舍毛璩之弟子脩之為校尉誘玄入蜀玄從之會璩弟寧州刺史璠卒官璩使兄孫祐之及參軍費恬帥數百人送其喪遇玄於枚回洲迎擊之督護馮遷抽刀而前玄曰汝何人敢殺天子遷曰我殺天子之賊耳遂斬之乘輿反正於江陵以脩之為驍騎將軍大赦諸以畏逼從逆者一無所問奉神主于太廟毅等傳送玄首梟于大桁

集覽

將雄

者克史記趙奢傳譬猶兩鼠鬪於穴中將勇者勝正義曰將平聲方來也謂方來者勇故勝乘輿反正乘輿注見漢安帝延光四年反通作返或解返正猶言中興非是注見唐德宗興元元年

正誤

將雄者克今按將字雖有史記為證但平聲者擬料將然之辭

今劉道規乃臨敵對眾勇決之辭當音去聲言主將雄勇者則克不在於軍士眾多也

質實

一統志云崢嶸洲在武昌府武昌縣一曰新生洲半屬黃州府黃岡縣晉劉毅

破桓玄即此處漢中郡名注見周赧王四年南郡注見漢獻帝建安十三年毛璩之滎陽武陽人巴陵郡名注見宋文帝元嘉三年寧州注見漢武帝元狩元年滇國枚回洲未詳

處所天桁釋名云
桁屋之橫木也

閏月桓振襲江陵陷之劉毅等進兵討之不克

毅等既戰勝以為大事已定不急追躡玄死
幾一旬諸軍猶未至桓謙及振竄匿復出聚
眾襲江陵陷之殺王康產振見帝於宮欲行
弒逆謙苦禁之乃拜而出為玄舉哀追謚謙
帥群臣奉璽綬於帝侍御左右皆振腹心何
無忌劉道規進攻謙於馬頭破之無忌欲直
趨江陵道規曰兵法屈伸有時諸桓世居西
楚群小皆為竭力振勇冠三軍難與爭鋒且
可息兵養銳徐以計縻之不憂不克無忌不
從振逆戰於靈溪無忌等大敗退還尋陽

兵

質實

一統志云馬頭山名在荊州府夷陵州
西北三十里靈溪未詳處所唯韶州府

樂昌縣東北五十里有靈溪源出靈君山下
與武水合流未知是否智者察之西楚注見
楚義帝元年尋陽縣名注
見漢獻帝建安十五年

六月毛璩遣兵攻梁州誅玄所署刺史桓希質

實

梁州注見周赧
王四年漢中

秋七月永安皇后何氏崩

書法

穆后也不書葬何簡也自哀帝立尊
何皇后為穆皇后無母道矣於是又

歷五世其
簡可知也

通鑑綱目

卷三十三 晉安皇帝元興三年

五

正編

通鑑綱目 卷三十三
○九月魏改官制

魏王置六謁官，準古六卿。臨昭陽殿，親加銓擇，列爵四等。王封大郡，公封小郡，侯封大縣，伯封小縣。其品第一至第四，舊臣有功無爵者，追封之。宗室疏遠及異姓襲封者，降爵有差。又置散官五等，其品第五至第九。文官材能秀異，武官堪為將帥者，其品亦比第五至第九。百官有闕，則取於其中以補之。其官名多倣上古龍官鳥官，謂諸曹之使為鳧鴨，取其飛之迅疾也。謂候官伺察者為白鷺，取其延頸遠望也。餘皆類此。
質實 昭陽殿未詳處所

冬十月盧循陷番禺徐道覆陷始興

質實

番禺縣名

注見漢武帝元鼎六年始興郡名注見愍帝建興三年

○劉毅等復攻桓

振諸城壘皆克之

劉敬宣在尋陽聚糧繕船，未嘗無備。故何無忌等雖敗退，賴以復振。進至夏口，桓振遣馮該守東岸。孟山圖據魯山城，桓僊客守偃月壘，衆合萬人。水陸相援，毅等悉攻拔之，生擒山圖僊客。
集覽 魯山城今河南府汝州魯山該走石城。縣是括地志云山在南陽郡魯陽縣北偃月城，即濡湏塢也。在無為州巢縣東南四十里，接巢湖西北至合肥界。
質

實 魯山城注見漢獻帝初平元年偃月城注見漢獻帝建安十七年濡須塢石城注見

梁簡文帝太寶元年夏口地名注見漢獻帝建安十三年

十一月魏命宗室州郡各置師。

魏主命宗室置宗師入國置大師小師州郡亦各置師以辨宗黨舉才行如魏晉中正之

職 **質實** 中正官名注見梁武帝天監十八年

燕王熙與其后苻氏遊白鹿山

質實 一統志云白鹿山在

太原府孟縣北三十里嘗有白鹿遊此山因名

后苻謨幼女也是行也士卒為虎狼所害及凍死者五千餘人

書法 凡書遊譏也與其后遊譏之譏也終綱目書遊八而書后妃遊者三是年

燕苻氏梁己亥年魏太后乙酉年蜀王行太后太妃

十二月劉毅等進克巴陵

毅號令嚴整所過百姓安悅

乙巳 **義熙元年** 光始五 秦弘始七 魏天賜二年 南燕慕容超太上元 西涼建

年 初元 春正月入江陵桓振亡走謙奔秦 **考異** 月

通鑑綱目卷三十三
當補書劉毅等三字

南陽太守魯宗之起兵襲襄陽桓蔚走江陵劉毅等軍至馬頭桓振挾帝出屯江津遣使求割江荆二州奉送天子毅等不許宗之進屯紀南振留桓謙馮該守江陵引兵與宗之戰大破之而毅等亦擊破該於豫章口謙棄城走毅等入江陵執卞範之等斬之振還知城已陷其衆皆潰乃逃于涪川詔大處分悉委冠軍將軍劉毅大赦改元惟桓氏不原以桓冲盡忠王室特宥其孫胤徙新安以宗之爲雍州刺史毛璩爲征西將軍督梁益等五州弟瑾爲梁秦刺史瑗爲寧州刺史桓謙何澹之等皆奔秦

集覽

涪川在隨州隨

縣按重修廣韻涪音云涪水在南陽一云在美陽

質實

紀南城名注見陳後王光

天二年一統志云涪川卽涪水在漢陽府漢川縣東北四十五里自隨州東南流經雲夢縣入本縣界至涪口與漢水合流晉陶侃爲杜會所敗將奔涪中唐人詩暮雨不知涪口處皆謂此新安郡名注見漢獻帝建安十二年新都

燕伐高句麗不克而還

燕王熙伐高句麗攻遼東城且陷熙命將士毋得先登俟剗平其城朕與皇后乘輦而入由是城中得嚴備卒不克而還

質實

遼東郡名注見秦王政三年

秦以鳩摩羅什為國師

秦王與以鳩摩羅什為國師奉之如神帥群臣及沙門聽講又命羅什翻譯西域經論大營塔寺沙門坐禪者常以千數由是州郡化之事佛者十室而九
集覽鳩摩鳩摩虜複姓羅什名也前秦苻堅遣呂光伐龜茲而獲之後秦姚興禮為國師使居逍遙園譯出眾經翻譯翻夷語譯為華言也翻與反通韻會切字下注反切一音展轉相呼謂之反譯釋也如釋絲然紬其語而譯之

質實

西域西域國名注見漢哀帝元壽二年

書法

侏離之書於是大布秦為之也故謹志之綱目書國師一而已莽國師不

與焉

詳漢帝

玄更始元在

發明

自王道衰異端熾佛氏流入中國姚興以夷狄竊據土宇故羅什為所尊禮是以佛書皆出於其翻譯傳布甚廣夫六經火於嬴秦後世卒莫得其全佛書譯於姚秦後世終莫得而泯人心好尚如此世變亦可知矣書以羅什為國師謂之國師則是舉國師之也吁可勝嘆哉○丘濟曰中國有梵夾書始盛于此嗚呼書字自蒼頡以來有所謂籀文傳隸行草其聲音文字三代以來未之有異也至是始有一

種性體殊音之製以亂我中國自結繩以來之書嗚呼作俑者漢明帝也然是時止有四十二章之經藏之官寺是後雖有胡僧安靜支懺康會等翻譯未甚傳布民間至是姚興始大集胡僧以華音譯番語自時厥後偽作日增無從質正遂至遍滿天下家傳而人誦之而中國之人虛矯者又剽竊老莊之緒餘以粉飾之遂至淪人肌膚人人骨髓膠固深密而不可解散其尤可惡者竊我聖經之名名其邪偽之作雖其以經為訓異乎經常之義然亦無忌禪矣嗚呼揆之名教其罪可勝誅哉

西涼公暉遣使來上表。

西涼公暉自稱大將軍領秦涼二州牧遣黃始梁興間行奉表詣建康。郡名注見漢獻帝興平二年

質實 建康

書法

於是僭國無知尊正統者故特書嘉之

二月帝東還。

留臺備法駕迎帝於江陵劉毅劉道規留屯夏口何無忌奉帝東還。注見漢獻帝建安十三年夏口地名注同上年

質實

江陵縣名

益州參軍譙縱殺其刺史毛璩自稱成都王

初毛璩聞桓振陷江陵帥眾三萬順流東下將討之使其弟瑗出外江參軍譙縱出涪水蜀人不樂遠征逼縱為王璩聞變奔還成都遣兵討之不克營戶開城納縱殺璩及瑗滅其家縱自稱成都王於是蜀大亂漢質實中空虛氏王楊盛遣其兄子撫據之注見漢光武建武十一年成都縣名注見漢帝玄更始二年

書法

殺璩者營戶也書縱殺何權不足也縱為眾所逼不能以死拒之有不得辭其責者矣綱目蔽罪於縱所以塞姦雄託不得已者之口也

發明

蜀人逼縱為主營戶殺璩而滅其家然綱目書縱殺其刺史毛璩自稱成

都王何耶縱為屬椽坐視主將屠戮自當死於其難而乃委身從賊此固王法所必誅者前史載縱走投于水及投地固辭之語分注皆棄而不錄夫既知其不義直當奮身而死安有為賊所擁尚可自免者哉書法如此原其實也後世有從賊于亂而以逼於不得已為解者可以觀矣

三月桓振復襲江陵將軍劉懷肅與戰誅之○帝至建康除拜琅邪王德文武陵王遵劉裕以下有差。

帝至建康百官詣闕待罪詔令復職尚書殷仲文以朝廷音樂未備言於劉裕請治之裕曰今日不暇給且性所不解仲文曰好之自解裕曰正以解則好之故不習耳以琅邪王德文為大司馬武陵王遵為太保劉裕為侍中車騎將軍都督中外諸軍事加裕尚書事裕皆不受

質實

武陵郡名注見漢光武建武二十四年

以劉敬宣為宣城内史

初劉毅嘗為劉敬宣參軍時人或以雄傑許之敬宣曰非常之才自有調度此君外寬而內忌自伐而尚人若一旦遭遇亦當以陵上取禍耳毅聞而恨之及敬宣為江州毅使人

言於裕曰敬宣不預建義授郡已為過優聞為江州尤用駭惋敬宣不自安請解職乃召

還為宣

集覽

自伐老子曲則全章不自伐故城內史有功莊子山木篇大成之人曰

自伐者無功論語孟之反不伐饒雙峰解云伐如伐木之伐凡人矜誇其能乃所以自伐

其能也

質實

宣城郡名注見漢明帝永平十三年丹陽

夏四月以劉裕都督十六州軍事出鎮京口○

以盧循為廣州刺史

時朝廷新定未暇征討以循為廣州徐道覆為始興相循遣使貢獻因遺劉裕益智粽裕

報以續命湯。循之陷番禺也。執刺史吳隱之。至是裕與循書。令遣隱之還。循不從。長史王誕曰。孫伯符豈不欲留華子魚邪。但以一境不容二君耳。循乃遣之。作弄反風土記。吳楚間以菰葉裹黏米煮而食之。名曰粽。一名角黍。益智藥名。本草益智子味辛溫。主益氣安神。盧循以益智為粽。遣之。蓋言劉裕智氣窮也。續命湯。成藥名。治中風不省人事。劉裕以此藥報之。蓋言盧循不省事也。孫伯符豈不欲留華子魚。伯符三國吳主孫策字子魚。華歆先仕漢為豫章太守。孫策畧地江東。歆乃幅巾奉迎。策待以上賓之禮。策死。歆仕魏。

其命也。

質實

廣州注見秦始皇三十年吳隱之濮陽人也。

南燕王備德封其兄子超為北海王

初南燕王備德仕秦為張掖太守。從秦王堅寇淮南。留金刀與其母公孫氏別。備德與燕王垂舉兵。張掖收備德兄納及諸子殺之。公孫氏以老獲免。納妻段氏方娠未決。獄椽呼延平備德之故吏也。竊以逃羌中。段氏生超十歲。而公孫氏卒。以金刀授超。平又以超母子奔涼。及呂隆降秦。徙長安。而平卒。段氏為超娶其女。超恐為秦所錄。乃陽狂行乞。備德遣人往視之。超不敢告其母妻。潛變姓名逃歸。備德聞超至。大喜。遣騎迎之。超以金刀獻。

備德備德悲慟不自勝封超為北海王備德無子欲以為嗣

質實北海郡名注見

漢桓帝永康元年青州張掖郡名注見晉安帝隆安元年

五月劉毅何無忌討滅桓玄餘黨荆湘江豫皆

平

桓玄餘黨苻宏等擁眾寇郡縣者以十數劉毅等分兵討滅之荆湘江豫皆平詔以毅為都督淮南五郡豫州刺史何無忌都督江東五郡會稽內史

秋七月劉裕遣使求和於秦得南鄉等十二郡

五胡君長姚興最有主度

劉裕遣使求和於秦因求南鄉諸郡秦王與許之羣臣以為不可興曰天下之善一也劉裕拔起細微能討桓玄復晉室內釐庶政外修封疆吾何惜數郡不以成其美乎遂以十

二郡歸晉 **質實**南鄉郡名注見穆帝永和九年

書法書得郡錄功也其書劉裕使何存中田者霄壤矣故書求和得之

九月南燕王備德卒太子超立

汝水竭南燕王備德惡之俄而寢疾北海王超請禱之備德曰人命在天非汝水所能制

天象

通鑑綱目

卷之三十三

晉安皇帝義熙元年

五

正編

也病篤召群臣議立超為太子俄而地震君臣震恐是夕卒為十餘棺夜分出四門潛瘞山谷超即位虛葬備德於東陽陵超引所親公孫五樓為腹心備德故大臣北地王鍾段宏等皆不自安求補外職封孚諫曰臣聞親不處外羈不處內鍾宏出藩五樓內輔臣竊未安超不從鍾宏相謂曰黃犬之皮恐終補狐裘也五樓聞而恨之

質實 公孫五樓

公孫複姓也五樓其名黃犬之皮恐終補狐裘史記田敬仲完世家淳于髡曰狐裘雖弊不可補以黃狗之皮騶忌子曰請謹擇君子毋雜小人是也

正誤 黃犬之皮恐終

補狐裘今按黃犬之皮指公孫五樓言五樓乃小人恐終居貴重之職位是也

質實

汝水注見帝奕太和四年一統志云東陽陵在青州府城北又注見宋營陽王景平元年

西涼徙都酒泉

西涼公暲與長史張邈謀徙都酒泉以逼沮渠蒙遜高手令戒諸子曰從政者當審慎賞罰勿任愛憎近忠正遠佞諛勿使左右竊弄威福毀譽之來當研覈真偽聽訟折獄必和顏任理慎勿逆詐億必輕加聲色務廣咨詢勿自專用吾蒞事五年雖未能息民然含垢匿瑕朝為寇讐夕委心膂粗無負於新舊事任公平坦然無類初不容懷有所損益計近則如不足經遠乃為有

質實 逆詐億必逆逆料也許詐偽也

主德

億億度也必必然也人未必是詐偽我逆料而疑之是逆詐也人未必如然我億度而防之是億必也無類類**正誤**逆詐億必今按此音盧對反疵也戾也語稍晦當云人未必如此而我億質實酒泉郡名注見漢武帝元朔三年

丙午二年光始八秦弘始春正月魏增置刺史

守令

魏諸州置三刺史郡置三太守縣置三令長功臣為州者皆徵還京師以爵歸策

燕王熙襲高句麗不克

官制之煩拓跋為昆

燕王熙襲契丹至陁北畏其眾欲還苻后不肯遂棄輜重輕兵襲高句麗士馬疲凍死者屬路夕陽公雲傷於矢且集覽契丹東胡種居於西樓在

潢水之南黃龍之北得鮮卑故地或以為鮮卑遺種至元魏時自號契丹契音喫按契丹志其地有二水一曰北也里沒里源出中京西馬孟山東北流華言土河是也一曰臯羅箇沒里源出饒州西南平地松林直東流華言潢河是也至木葉山合流為一相傳初有男子乘白馬浮土河而下。一婦人乘小車浮潢河而下。遇於木葉山。顧合流之水。遂為夫婦。此其始祖。陁北井陘山之北也。漢地志常山郡石邑縣井陘山在其西穆天子傳云至

陜山之隧升于質實高句麗東夷國名注見
三道之磴卽此質實新莽始建國四年輜重
注見周顯王三十六年一統志云陜北陜山之
之北在真定府井陘縣東北五十里夕陽疑
是縣名未詳
沿革姑闕之

夏六月秦姚頌德自上邽還長安

秦隴西公頌德自上邽入朝秦王興爲之大
赦及歸送至雍興事晉公緒及頌德皆如家
人禮車馬服玩先奉二叔而自質實長安縣
服其次國家大政皆咨而後行質實名注見
漢惠帝五年隴西郡名注見秦王政三年上
邽縣名注見漢光武建武元年天水雍縣名

賢

注見周顯
王八年

書法

朝也書還何成興志也興事頌德如
家人禮車馬服玩每先二叔而自服
其次國家大政必咨而後行可謂能尊尊
矣不書入朝所以成其不敢臣之之美也

秦以禿髮僂檀爲涼州刺史守姑臧

南涼僂檀伐北涼還獻馬三千匹羊三萬口
于秦秦王興以爲忠以爲涼州刺史鎮姑臧
徵王尚還涼州人遣主簿胡威請留尚弗許
威見興流涕言曰臣州僻遠仗良牧仁政保
全至今陛下柰何以臣等貿馬羊乎若軍國
須馬直煩尚書一符臣州三千餘戶朝下而

夕可辦也。昔漢武帝傾天下資力，開拓河西，以斷匈奴右臂。今無故棄五郡之地，忠良華族，以資暴虜。豈惟臣州士民墜於塗炭，恐方為聖朝肝食之憂，興悔之，使人馳止尚，則傳擅已軍五澗，逼遣尚行矣。別駕宗敞，送尚還長安，僂檀謂曰：吾得涼州三千餘家，情之所寄，唯卿一人而已。柰何捨我去乎？敞曰：今送舊君，所以忠於殿下也。僂檀因問新政所宜，敞曰：惠撫其民，收用賢俊。因薦本州名士十餘人，僂檀嘉納之。僂檀宴於宣政堂，仰視嘆曰：古人有言，作者不居，居者不作，信矣。孟禕曰：昔張文王始為此堂，於今百年，十有二主矣。惟履信思順者，可以久處。僂檀善之。僂檀雖受秦爵命，然其車服禮儀，皆如王者。

集

覽

張文王明帝時涼王張茂

質實

五澗未詳處所

魏築灋南宮

魏主規度平城，發八部男丁築灋南宮，闕門高十餘丈，穿溝池，廣苑囿，規立外城，方二十里。
質實 一統志云：灋南宮，灋本水名，作宮於灋水之南，因名焉。又注見愍帝建興

元 年

秋八月劉裕遣將軍毛修之討譙縱

裕遣龍驤將軍毛修之將兵與益州刺史司馬榮期等共討譙縱，榮期為其參軍楊承祖

所殺脩之 **質實** 益州注見武帝泰始八年百
還白帝 帝城名注見漢獻帝建安十

年七

南燕段宏奔魏慕容鍾奔秦

南燕主超猜虐日甚政出權倖盤于遊畋封
孚韓諄屢諫不聽公孫五樓欲擅朝權譖北
地王鍾於超請誅之鍾懼遂與段宏謀反不
克乃出奔超好變更舊制又欲復肉刑增置
烹轅之法衆 **質實** 肉刑注見漢
議不合而止 文帝十三年

書法

於是鍾等謀反不
書書奔君無道也

冬十月論建義功封賞劉裕等有差

劉裕豫章郡公劉毅南平郡公何
無忌安成郡公自餘封賞有差 **質實** 南平
見惠帝光 郡注
熙元年

西秦乞伏乾歸如秦

丁三年 **秦** 弘始九年 **魏** 天賜四年 **燕** 王高雲正
未 始元年 **夏** 主赫連勃勃龍升元年 **涼**

是歲燕慕容廆亡舊大國一南涼北涼 **考異** 分
南燕西涼小國四新小國二凡八僭國 注

燕王下漏慕容 春正月秦以乞伏乾歸為主客
熙建始元年

尚書

秦王興以乾歸寢疆難制留為主客尚書以其世子熾磐行西夷校尉監其部衆

閏二月劉裕殺東陽太守殷仲文及桓沖孫胤

夷其族

仲文素有才望自謂宜當朝政出為東陽太守悒悒不樂何無忌素慕其名仲文許便道脩謁無忌喜飲遲之而仲文失志恍惚遂不過府無忌以為薄已大怒會南燕入寇無忌言於劉裕曰桓胤殷仲文乃腹心之疾北虜不足憂也會裕府將駱冰謀作亂伏誅裕因

言冰與仲文桓胤有謀皆族誅之

質實

東陽郡名注見哀帝興寧三年殷仲文陳

郡長平人凱之弟

書法

書殺多矣未有書其孫者書桓沖孫何重罪裕也玄之敗也詔以桓沖乃心王室宥其孫胤今而殺之違義熙之赦絕賢者之世裕罪大矣然則仲文玄黨也曷為以官書仲文玄黨嘗叛玄自歸矣綱目貴徙義官仲文所以深惡裕也

發明

義熙之初大赦改元惟桓氏不赦獨宥沖之孫胤以其忠於帝室所以勸事君者也今又誣而殺之則非義矣故不直曰桓胤而必書曰桓沖孫胤以起義也

然劉裕自舉事以來去年遣毛脩之討譙縱今年殺殷仲文及桓胤不論是否綱目皆自裕書之則裕之專輒自行其無晉之心又自不言可知矣一賊仆一賊起可勝哉

夏四月燕后苻氏卒

燕主熙為其后苻氏起承華殿負土北門與穀同價典軍杜靜載棺詣闕極諫熙斬之苻氏嘗季夏思凍魚熙下有司切責不得斬之至是苻氏卒熙哭之絕而復蘇斬衰食粥命百官哭無淚者罪之

質實

斬衰注見漢昭帝元平元年殉注見

大飲訖復啓其棺而與交接其迷昏極矣

唐太宗貞觀二十三年

燕主熙廢其太后段氏○六月赫連勃勃自稱

大夏天王

夏始見

勃勃魁岸美風儀性辯慧秦王興見而奇之與論大事寵遇踰於勳舊興弟邕曰勃勃不可近也興曰勃勃有濟世才吾力與之平天下柰何逆忌之乃以為將軍使助沒奕干鎮高平伺魏間隙邕固爭曰勃勃貪猾不仁輕為去就恐終為邊患興乃止久之竟配以雜虜二萬餘落使鎮朔方會魏主珪歸所虜秦將于秦興歸賀狄干以報之勃勃怒遂謀叛

以學見殺
不幸

秦柔然獻馬於秦，勃勃掠取之，襲殺沒奕干而并其衆，自爲夏后氏之苗裔，稱大夏天王，置百官。○賀狄干久在長安，常幽閒，因習讀經史，舉止如儒者。及還，魏珪見其言語衣服皆類秦人，以爲慕而效之。怒，并其弟歸殺之。**集覽** 魁岸注見漢武齋離騷經，帝高陽之苗裔，兮晦庵集註，苗裔謂遠孫也。苗者，草之莖葉，根所生也。裔者，衣裾之末，衣之餘也，故以爲遠末子。孫之稱，弟歸賀狄干之弟名歸。**質實** 赫連注見懷帝永嘉四年，鐵弗朔方郡名，注見漢武帝元朔元年，柔然北狄國名，注見孝武帝太元十二年，沒奕干東胡部落之號，注見穆帝升平四年。

秋七月朔日食○燕高雲弑其主熙自立爲天

王

燕主熙葬其后苻氏，披髮徒跣，步從二十餘里。初，將軍馮跋得罪於熙，亡命山澤，因民之怨，欲舉大事，潛入龍城，匿於孫護家。及熙出送葬，跋等與將軍張興等作亂，推熙養子夕陽公雲爲主，帥衆入宮，授甲，閉門拒守。熙馳還攻北門，不克。雲遂即天王位，大赦改元，執熙殺之，復姓高氏，以跋爲都督中外諸軍、錄尚書事。**質實** 龍城縣名，注見帝奕太和四年。和龍

自垂至熙
十四年

南燕遣使稱藩獻太樂伎于秦冬秦遣其母妻還之

南燕主超母妻猶在秦遣封愷使於秦以請之秦王興曰昔苻氏太樂諸伎悉入于燕燕今稱藩送伎或送吳口千人乃可得也超與群臣議之段暉曰陛下嗣守社稷不宜以私親之故遂降尊號且太樂先代遺音不可與也。不如掠吳口與之張華曰侵掠鄰國兵連禍結非國家之福也陛下慈親在人掌握豈可靳惜虛名不為之屈乎乃使韓範聘于秦稱藩奉表秦使韋宗報聘張華請北面受詔封建曰大燕七聖重光柰何一旦為豎子屈

孝

節超曰吾為太后屈願諸君勿復言遂北面受詔使華獻太樂伎一百二十人於秦秦王興乃還超母妻厚其資禮而遣之

質實

社稷注見新莽天鳳元年

書法

先書獻樂伎惡秦也若燕主則可與權矣綱目無譏焉

夏王勃勃破薛干等部降之遂進攻秦及南涼大破之

夏王勃勃破鮮卑薛干等三部降其眾以萬數進攻秦三城以北諸戍斬秦將楊丕姚石生等諸將皆曰陛下欲經營關中宜先固根本使人心有所憑繫高平險固饒沃可以定

國勢

都勃勃曰吾大業草創姚興亦一時之雄未
 可圖也今專固一城彼必并力於我亡可立
 待不如以驍騎風馳出其不意救前則擊後
 救後則擊前使彼疲於奔命我則游食自若
 不及十年嶺北河東盡為我有待興既死嗣
 子闇弱徐取長安在我計中矣於是侵掠嶺
 北諸城秦王興乃嘆曰吾不用黃兒之言以
 至於此勃勃求婚於南涼僭檀不許勃勃帥
 騎二萬擊破之名臣勇將死者什六
 七勃勃積尸而封之號曰髑髏臺
 別部之人名侵掠左傳有鍾鼓曰伐無曰侵
 襄十一年禁侵掠注掠音亮不用黃兒之言
 男女始生為黃黃兒猶言小兒也
 興弟邕嘗勸勿用勃勃興不聽

集覽

薛

正誤

黃兒
今按

黃兒乃姚邕小字

質實

關中注見唐玄宗開元十一年京兆高平縣名注見漢光

武建武六年

涼公嵩復遣使來上表

考異

提要無此九字

書法

書復何重嘉之也

戊申四年

秦

弘始十年

魏

天賜五年

春正月劉裕自為

州刺史錄尚書事

王謐既卒劉毅等不欲劉裕入輔政議以謝混為揚州刺史或欲令裕於丹徒領揚州以

內事付孟昶遣皮沈以二議諮裕沈先見劉
穆之具道朝議穆之密白裕曰晉命已移公
勲高位重豈得遂為守藩之將邪劉孟與公
俱起布衣立大義以取富貴一時相推非委
體心服宿定臣主之分也力敵勢均終相吞
噬揚州根本所繫不可假人前者以授王謐
事出權道今若復以他授便應受制於人一
矢權柄何由可得今但答以此事既大非可
懸論便斃入朝其盡同異公至京邑彼必不
敢越公更授餘人矣裕從之朝廷乃徵裕為
侍中揚州刺史錄尚書事裕解兗州
以諸葛長民鎮丹徒劉道憐戍石頭
權道從權之宜也公羊傳桓十一年
權者何權者反於經然後有善者也

集覽

事出

質實

徒

縣名注見漢景帝三年劉孟謂劉毅孟昶

發明

按裕此行特以朝議未定自請入朝而朝廷因遂召裕授以是任而已今綱目書其自為揚州刺史錄尚書事殆與操不昭師無異何歟裕於是時雖未能專國然其志已有所在故特設詭謀使晉朝不能捨已而授餘人是名非自為實則自為也况篡晉之禍實始於此特筆書之深得春秋誅心之法矣

南燕祀南郊

南燕王超祀南郊有獸如鼠而赤大如馬來至壇側須臾大風晝晦羽儀帷幄皆毀裂超

懼以問太史令成公綏對曰陛下信用姦佞誅戮賢良賦歛繁多事役殷重之所致也超乃黜公孫五樓等俄復用之

夏五月譙縱稱藩于秦

譙縱請桓譙於秦欲與其擊劉裕秦王興以問譙譙因請行興曰小水不容巨魚若縱才力自足辦事亦不假君爲羽翼矣遂遣之譙至成都虛懷引士縱疑之置於龍格使人守之

質實

成都郡名注見漢帝立更始二年

秦遣兵襲南涼討夏皆敗績

秦王興以僞檀內外多難欲因而取之使韋宗往覘之僞檀與宗論當世大畧縱橫無窮宗退嘆曰奇才英器不必華夏明智敏識不必讀書吾乃今知九州之外五經之表復自有人也歸言於興曰涼州雖繁僞檀權譎過人未可圖也興曰劉勃勃以烏合之衆猶能破之况我舉天下之兵以加之乎宗曰不然形移勢變返覆萬端陵人者易敗戒懼者難攻僞檀之所以敗於勃勃者輕之也今我以大軍臨之彼必懼而求全竊觀羣臣才畧無僞檀比者雖以天威臨之亦未敢保其必勝也興不聽使其子廣平公弼將軍歛成帥步騎三萬襲僞檀僕射齊難帥騎三萬討勃勃弼長驅至姑臧僞檀嬰城固守出奇兵擊破

之命郡縣悉散牛羊於野，歛成縱兵鈔掠，又擊敗之，勃勃聞秦兵且至，退保河曲，齊難遂縱兵野掠，勃勃潛師襲破擒之，及其將士萬三千人，於是嶺北夷夏附於勃勃者以萬數，勃勃皆置守。

質實

廣平郡名，注見漢武帝元狩四年，河曲縣名，注見漢

光武建武二十二年

書法

夏書討何勃勃，故秦臣也。一秦兵也，或書襲，或書討，綱目之書法嚴矣。是

故袁術一也，孫策加之書討，曹操加之則書擊，漢獻帝建安元年秦兵一也，加於南涼書襲，加於夏則書討，是年

發明

秦無故興兵攻僭檀，故直書曰襲，勃勃以敗亡降虜事，秦復叛，故書之曰

討一字之間，固不苟也，如此夫。

遣將軍劉敬宣督毛修之討譙縱不克引還

毛修之擊斬楊承祖，請討譙縱，劉裕表劉敬宣帥眾五千伐之，敬宣入峽轉戰而前，軍至黃虎，去成都五百里，秦遣兵救之，縱亦悉眾拒嶮，相持六十餘日，軍中饑疫，死者大半，乃引軍還，敬宣坐免官。

質實

峽水名，注見漢獻帝建安二十四年

黃虎地名，未詳處所。

書法 自誅桓玄餘黨至是四年綱目凡書晉氏無一不書劉裕者譏專也此亦劉裕表遣也其不書劉裕何咎裕也裕始遣脩之將兵討縱既而承祖作亂脩之退屯於是二年矣乃復遣敬宣督之綱目於遣毛脩之書裕遣於遣劉敬宣督毛脩之則不書裕使若出於朝議者所以見前所遣之卒無功而著遣之者之咎也其旨深矣

天象
冬十一月南涼復稱王○南燕汝水竭

南燕汝水竭河凍皆合而澠水不冰南燕主超惡之問於李宣宣對曰澠水無冰良由逼

與殷仲堪
諛桓玄同

帶京城近口
月也超大悅
質實 汝水注見帝奕太和四年澠水注見漢獻帝建安十年

書法 燕亡之祥也是故江水竭而西漢衰成帝元延元年汝水竭而南燕亡是

年綱目皆謹書之終綱目書水竭二而已矣

巳酉
五年 秦弘始十一魏太宗拓跋嗣永興元年西秦更始元年

年○舊大國二南涼北涼南燕西涼
燕夏小國六新小國一凡九僭國
春正月秦

封譙縱為蜀王○二月南燕寇掠宿豫

南燕王超正旦朝會群臣嘆太樂不備議掠
晉人以補伎韓諱曰先帝以舊京傾覆戢翼
三齊陛下不養士息民伺釁恢復而更侵掠
南隣以廣讐敵可乎超曰我計已定不與卿
言遂遣公孫五樓兄歸將兵寇宿豫拔之大
掠而去簡男女二千五百付太樂教之時五
樓專總朝政宗親並居顯要內外無不憚之
尚書都令史王儼諂事五樓比歲屢遷官至
左丞國人為之語曰欲得侯事五樓超又遣
歸等寇淮南俘男女千餘人而去詔劉道憐
鎮淮陰質實宿豫縣名注見唐昭宗景福二
年泗州淮南國名注見漢武帝
元朔五年淮陰縣名注
見漢獻帝建安元年

乞伏乾歸自秦逃歸

乞伏熾盤人見秦太原公懿於上邽彭奚念
乘虛伐之熾盤聞之怒不告而歸擊奚念破
之遂克抱罕乾歸逃還宛川留質實太原郡
熾盤鎮抱罕收其眾得二萬人質實名注見
齊明帝建武三年并州上邽縣名注見漢光
武建元元年天水抱罕縣名注見漢靈帝中
平元年宛川地名注
見孝武帝太元十年

三月恒山崩

質實

恒山恒與常通注
見周安王十六年

書法

恒山何北嶽也崩至四嶽非小變矣
故書華山崩而漢亡獻帝初平四年

大象

書恒山崩而晉亡是年皆帝業所基也終綱目四嶽書崩二而已矣

○夏四月雷震魏天安殿

雷震魏天安殿東序魏主惡之命以衝車攻東西序皆毀之初魏主服寒食散藥發躁怒無常至是寢劇又災異數見占者言有急變生肘腋魏主憂薄廢寢食追記平生成敗得失獨語不止每百官奏事至前記其舊惡輒殺之其餘或顏色變動或鼻息不調或步趨失節或言辭差謬皆以為懷惡在心發形於外往往手擊殺之死者皆陳天安殿前群臣多不敢求親近唯著作郎崔浩恭勤不懈其父吏部尚書宏未嘗諂諛亦不忤旨故父子

獨不被譴

集覽

衝車詩皇矣篇與爾臨衝注臨臨車也衝衝車也衝通作輶說文陷

陣車也

質實

崔浩東武城人也

書法

綱目書冬雷七記異也此四月爾何矣故大風毀莽王路堂雷震魏天安殿皆大異也綱目每謹書之終綱目書雷十詳

漢惠帝五年而四月雷二漢成帝元延元年以無雲故書是年以震天安殿故書舍

是無書雷者矣

發明

災異證應之說若出於附會然其應亦未嘗爽也前書南燕汝水竭未幾


而燕滅亡此書魏雷震天安殿未幾而魏主不得其終綱目據事書之不言其應而應固在中矣

劉裕伐南燕六月及燕師戰於臨朐大破之遂

圍廣固

劉裕抗表伐南燕朝議皆以為不可惟孟昶謝裕臧熹勸行裕以昶監南府事初苻氏之敗王猛孫鎮惡來奔騎射不能及人而有謀畧善果斷喜論軍國大事至是或薦於裕與語悅之因留宿明旦謂參佐曰吾聞將門有將信然即以為中軍參軍四月裕帥舟師自

淮入泗五月至下邳留輜重步進至琅邪所過皆築城留兵守之或謂裕曰燕人若塞太峴之險或堅壁清野大軍深入不唯無功將不能自歸柰何裕曰吾慮之熟矣鮮卑貪婪不知遠計進利虜獲退惜禾苗謂我孤軍遠入不能持久不過進據臨朐退守廣固必不能守險清野敢為諸軍保之南燕主超召羣臣會議公孫五樓曰吳兵輕果利在速戰宜據大峴使不得入曠日延時沮其銳氣然後徐簡精騎循海而南絕其糧道勅段暉帥兖州之衆緣山東下腹背擊之此上策也各命守宰依險自固較其資儲餘悉焚芟俾敵無所得旬月之間可以坐制此中策也縱賊入峴出城逆戰此下策也超曰今歲星居齊以



天道推之，不戰自克。客主勢殊，以人事言之。彼遠來疲弊，勢不能久。柰何芟苗徙民，先自蹙弱乎？不如縱使入峴，以精騎蹂之，何憂不克？桂林王鎮曰：陛下必以騎兵利平地者，宜出峴逆戰，戰而不勝，猶可退守。不宜縱敵入峴。自棄隣固也。超不從。鎮出嘆曰：旣不能逆戰，又不肯清野，延敵入腹，坐待攻圍，酷似劉璋矣。超聞之，怒收鎮下獄。裕過大峴，燕兵不出。裕舉手指天，喜形于色。左右曰：公未見敵而先喜，何也？裕曰：兵已過險，士有必死之志，餘糧棲畝，人無匱乏之憂，虜已入吾掌中矣。六月，裕至東莞，超先遣五樓及段暉等將步騎五萬屯臨胸間。晉兵入峴，自將步騎四萬往就之。裕以車四千乘爲左右翼，方軌徐進。

與燕兵戰于臨胸南，日向昃，勝負未決。參軍胡藩言於裕曰：燕悉兵出戰，臨胸城中留守必寡。願以奇兵從間道取其城。此韓信所以破趙也。裕遣藩等潛師出燕兵後，攻臨胸，聲言輕兵自海道至，遂克之。超大驚，單騎就暉於城南。裕因縱兵奮擊，大敗之。斬暉等大將十餘人，乘勝逐北，至廣固，克其大城。超入保小城，裕築長圍守之。撫納降附，采拔賢俊，因齊地糧儲，停江淮漕運。超遣張綱乞師於秦，赦桂林王鎮以爲都督，且問計焉。鎮曰：百姓之心繫於一人，今陛下親董六師，奔敗而還，士民喪氣，聞秦自有內患，恐不暇救人。今散卒尚有數萬，宜悉出金帛以餌之，更決一戰。若天命助我，必能破敵。如其不然，死亦爲美。

樂浪王惠曰晉軍氣勢百倍我以敗卒當之不亦難乎秦與我如唇齒也安得不來相救超從惠計復遣韓範如秦裕圍城益急超請割地稱藩不許秦王興遣使謂裕曰今遣鐵騎十萬屯洛陽晉軍不還當長驅而進矣裕謂其使者曰語汝姚興我克燕之後息兵三年當取關洛今能自送便可速來劉穆之聞裕言尤之曰此語不足威敵適足以怒之若廣固未拔羗寇奄至不審何以待之裕笑曰此正是兵機非卿所解夫兵貴神速彼若審能赴救必畏我知寧容先遣信命逆設此言是自張大之辭耳晉師不出為日久矣羗見伐齊殆將內懼自保

集覽

琅邪注見周赧王三十一年天峴山

名其地險固在琅邪郡陽都縣峴胡典反臨朐東莞郡邑屬青州今益都府臨朐縣朐音劬廣固注見穆帝永和七年吳兵輕果左傳楚兵輕窳注輕去聲言不能持重也果敢也今歲星居齊謂歲星今在齊之分野注見帝奕太和五年越得歲酷似劉璋酷極甚也漢獻帝時劉璋為益州牧劉備兵向雒城從事鄭度謂璋曰劉備懸軍襲我莫若驅巴西梓潼民內涪水以西其倉廩野穀一皆燒除請戰勿許不過百日必成擒矣璋曰吾聞拒敵以安民未聞動民以避敵也雒城潰進圍成都璋遂降東莞郡名本漢琅邪國邑後改為沂水縣屬沂州即今莒州沂水也莞音管左右翼旁引其車若鳥翼之為也太公六韜曰



翼其兩旁疾擊其後方軌注見陳宣帝太建七年奇兵注見周赧王五十五年逐北注見周赧王三十一年樂浪注見漢武帝元封三年馬驅而進猶言直進謂無禦之者張大張去聲自質實謝裕陽夏人朗弟允之子晦之侈太也淮水名注見漢後主延興二年泗水名注見秦始皇二十八年一統志云天峴山名在青州府臨朐縣東南一百五里上有穆陵關在焉貪婪注見漢章帝章和二年臨朐縣名注見宋營陽王景平元年桂林郡名注見秦始皇三十三年東莞古地名周爲鄆邑漢爲東莞縣屬琅邪郡晉於此置東莞郡後魏改爲新泰縣隋初改曰東安縣後於古蓋城別置東安縣而此縣改名沂水

唐宋屬沂州金元屬莒州 本朝因之改屬青州府韓信所以破趙事在漢王邦三年

書法

南燕徃年書寇宜伐也裕旣表請矣書劉裕不書帥師何桓温再伐皆書帥師裕違衆議而專行謀也故稱將不稱帥止書劉裕蓋將壹以功歸之

發明

晉氏無政藩鎮徃徃專征前固已論之矣今劉裕平定南燕誠爲雋功然抗表卽行與桓温伐蜀無異故温之不臣不待廢立而後見而裕之伐晉亦不待篡弑而後知語曰天下有道則禮樂征伐自天子出天下無道則禮樂征伐自諸侯出觀之綱目所書劉裕伐南燕之事而益信

秋七月西秦復稱王九月秦王興伐夏夏王勃

勃襲而敗之

秦王興自將擊夏至貳城遣將軍姚詳等分督租運夏王勃勃乘虛奄至秦兵大敗初興遣將軍姚強帥步騎隨韓範往救南燕至是追強兵還範嘆曰天滅燕矣遂降於裕張綱亦為晉軍所獲裕將範循城升綱樓車使周城呼曰秦為劉勃勃所敗無兵相救城中莫不失色綱復為裕造攻具盡諸奇巧南燕王超怒懸其母於城上支解之

質實 劉勃勃

冬十月西秦以焦遺為太子太師

西秦王乾歸以焦遺為太子太師與參軍國大謀謂熾磐曰焦生非特名儒乃王佐才也汝事之當如事吾熾磐拜遺於牀下遺子華至孝乾歸欲以女妻之辭曰娶妻者欲與之共事二親也今以王姬下嫁蓬茅之士臣懼其闕於中饋也乾歸曰卿之所行古人之事孤女不足以強卿

集覽

王姬猶言公主也左傳晉平公以同姓四人備嬪御鄭子產聘晉言於叔向曰今君內實有四姬焉蓋指其不別同姓之醜非目賤妾為姬也後世乃以目賤人戰國策曰幸姬如姬漢史曰諸姬薄姬愛姬釋者皆不辨其

為同姓如淳曰姬音怡臣瓚曰漢內官也秩比二千石位倜下惟顏師古謂漢內官無姬職姬者周姓貴於眾國之女故婦人美號皆稱姬宋徽宗大觀間公主易號曰帝姬貴之也世例以目妾豈反賤乎懼其關於中饋謂恐不居中主饋闕事親之禮也易家人六二無攸遂在中饋貞吉伊川傳曰人之處家在骨肉父子之間大率以情勝理以思奪着唯剛立之人則能不以私愛失正理况柔弱之人其能勝妻子之情乎如二之才若為婦人之道則其正也以柔順處中正婦人之道也故在中饋則得其正而吉也婦人居中而主饋者也故云中饋

燕弒其君雲馮跋自立為天王

北燕王雲自以無功德而居位內懷危懼常畜養壯士以為腹心爪牙寵臣離班桃仁專典禁衛賞賜巨萬衣食起居皆與之同而班仁志願無厭猶有怨憾至是殺雲馮跋升門觀變帳下共斬班仁跋遂即天王位以其弟范陽公素弗錄尚書事素弗少豪俠放蕩嘗請婚於尚書左丞韓業業拒之及為宰輔待業尤厚好申拔舊門謙恭儉約以身率下百僚憚之論者美其有宰相之度

質實

范陽郡名注見漢帝

書法

弒君者離班桃仁也不書王名何君無道也故馮跋討斬之不書

魏清河王紹弒其君珪齊王嗣討紹殺之而自

立 **考異**

殺當作誅

考證

謹按拓跋紹以其母氏一言遽行弒逆齊王聞變救之不

及討得罪人而誅之今觀諸本誤書曰殺如燕慕容會秦姚弼姚愔作亂既皆曰伏誅况道武身死於其臣子之手乎考之凡例參以列國故曰殺當作誅

魏主珪將立齊王嗣為太子魏故事凡立嗣子輒先殺其母乃賜嗣母劉貴人死召嗣諭之嗣性孝哀泣不自勝珪怒嗣還舍日夜號泣珪復召之左右曰上怒甚入將不測不如且避之嗣乃逃匿於外唯帳下車路頭王洛兒隨之初珪見賀太后之妹羨請納之太后

曰不可是過美必有不善且已有夫不可奪也珪密令人殺其夫而納之生清河王紹紹兇狠無賴好輕遊里巷劫剝行人以為樂珪嘗倒懸井中垂死乃出之至是譴責賀夫人將殺之未決夫人密使告紹曰何以救我紹年十六夜與宦者宮人通謀踰垣入宮弒珪大出布帛賜王公已下崔宏獨不受嗣聞變遣洛兒夜入平城告將軍安同等眾翕然響應爭出奉迎衛士執紹送嗣嗣并賀氏及為內應者皆齧食之乃即位謚珪曰宣武廟號烈祖公卿先罷歸第者悉召用之詔長孫嵩與安同奚斤崔宏等八人坐止車門右共聽時政時人謂之八公又以尚書燕鳳逮事什翼犍使與都坐大官封懿等入侍講論出議

晉安皇帝義熙五年 正編

政事以洛兒路頭為散騎常侍嘗問舊臣為先帝所親信者為誰洛兒言李先因召問先卿以何才何功為先帝所知對曰臣不才無功但以忠直為先帝所知耳乃令常宿於內以備顧問

集覽

車門右公車府門之右也

正誤

止

車門右今按止車門三字門名言坐於止車門之右也集覽以為公車府門非也

質

實

清河郡名注見義熙十三年平城縣名注見漢高帝七年

書法

魏道武自遷平城首書遣使循行郡國可謂有卹民之心既稱皇帝即書置五經博士可謂知經國之本又書制冠服定官品亦庶乎日不暇給規摹宏遠者

矣光啓後人廟號太祖宜哉而惑於方士以誤其身則不知學之過也○凡書自立寡辭也齊王嗣宜立者也則其書自立何惟嫡故無嫌也是故齊王嗣嫡子也書討書自立是年西秦熾磐世子也書討書自立義熙七年唯無嫌故也非嫡也則嫌不書自立矣故武陵王駿書討劭矣必書宋人立駿均文帝元嘉三十年均王友貞書討賊矣止書友貞立於大梁五代癸酉年梁此而書自則疑於篡矣友貞有兄友文

發明

嗚呼有父之親有君之尊而乃敢於弑逆此天理之大變人情所深駭者也拓跋雖夷狄若頭曼冒頓然而進於中國已不純乎狄矣昔先儒於春秋商臣之

事謂考於傳之所載可以見其所由致之
漸益以傳為案經為斷爾今綱目之比春
秋則猶經也而分注則猶傳也考之分注
珪始因賀氏之美殺其夫而納之既而生
紹則大本已不正矣紹之肆逆得非餘惡
之所鍾乎夫殺人而納其妻為之妻者苟
有人心焉宜於此焉變矣况又以其子之
故將欲殺之則是速之使亂也故夫以天
道言則善惡之報捷如影響不可誣也以
人事言則處置之謬禍變之來不可忽也
綱目書此其亦使後人推考而謹於善惡
之積也夫其亦使後人警戒而審於處置
之際也
夫吁

十二月太白犯虛危

南燕靈臺令張光勸南
燕王超出降超手殺之 **質實** 靈臺令事物紀原云唐乾元初

改太史為司天監掌天文歷數風雲氣色其
小史有靈臺令又注見齊武帝永明十年

庚 六年 **秦** 弘始十二 **魏** 永興二年 ○ **是** 春正月

魏伐柔然 **質實** 柔然北狄國名注見

書法 魏始加柔然書擊詳孝武帝太元十

再世漸變華
風故進之也

○二月魏寇盜羣起魏主嗣赦其罪遣兵討餘寇平之

魏主嗣以郡縣豪右多為民患優詔徵之民戀土不樂內徙長吏逼遣之於是寇盜群起嗣引八公議之曰朕欲為民除蠹而守宰不能綏撫使之紛亂今犯者既眾不可盡誅吾欲大赦以安之何如元城侯屈曰民逃亡為盜不罪而赦之是為上者反求於下也不如誅其首惡赦其餘黨崔宏曰聖王御民務在安之而已不與較勝負也夫赦雖非正可以行權屈欲先誅後赦要為兩不能去曷若一赦而遂定乎赦而不從誅未晚也嗣從之既

而遣于栗磾討不從命者所向皆平

質實

元城縣名注見莽始建國四年

書法

書赦其罪何善之也建武之篇書詔許相斬除罪於是書赦其罪皆處盜

之良法也

劉裕拔廣固執南燕王超送建康斬之

劉裕之勢已成江左恢復之機至是絕望矣

南燕城久閉男女病脚弱者大半出降者相繼尚書悅壽曰今戰士彫瘁絕望外援豈可不思變通之計超嘆曰廢興命也吾寧奮劍而死不能銜璧而生劉裕悉眾攻城或曰今日往亡不利行師裕曰我往彼亡何為不利四面急攻之壽開門納晉師超突圍出走追

慕容德至
越凡僭位
十一年

劉裕橫殺
非弔民之
師

獲之。裕數以不降之罪，超神色自若，一無所言。惟以母託劉敬宣而已。裕忿廣固久不下，欲盡阬之，以妻女賞將士。韓範諫曰：「晉室南遷，中原鼎沸，士民無援，強則附之。既為君臣，必須為之盡力。彼皆衣冠舊族，先帝遺民。今王師弔伐而盡阬之，竊恐西北之人無復來。」
蘇之望矣。裕改容謝之。然猶斬王公以下三千人，沒人家口萬餘。夷其城隍，送超詣建康，斬之。司馬公曰：「晉自濟江以來，威靈不競，戎狄橫騫，虎噬中原。劉裕始以王師，翦平定夏，不於此際，旌禮賢俊，慰撫疲民，使群士嚮風，遺黎企踵，而更恣行屠戮，以快忿心，迹其施設，曾苻姚之不如。宜其不能蕩壹四海，成美大之業也。豈非有智勇而無仁義使之然哉！」

集覽

〔往亡〕立春後七日驚蟄後十四日清明後二十一日立夏後八日芒種後十六日小暑後二十四日立秋後九日白露後十八日寒露後二十七日立冬後十日大雪後二十日小寒後三十日其日是謂往亡日。蘇之望，商書仲虺之誥，侯予后，後來其蘇。蔡氏傳曰：蘇復生也。謂後來我其復生乎。夷其城隍，夷平之也。隍，城外塹也。有水曰池，無水曰隍。

質實

〔銜璧〕注見武帝咸寧二年。〔苻姚〕謂苻堅姚萇也。

發明

禍莫大於滅人之國，然而亦有不可。以一槩論者，若昔帝王之世，列國公侯，或先代神明之胄，或勤勞功德之臣，其後子孫世守其國，乃從而滅之，誠可謂不

仁之甚者至於夷狄亂華盜竊土宇有能
規恢掃除又豈可例以滅國待之哉自金
行失馭寓縣分裂劉石苻姚皆裔夷醜類
塗炭中原遂使忠臣義士北望慨想徒嘆
神州之陸沉諸陵之覆沒未有能蕩平河
洛克復舊物者劉裕起自卑微興復晉室
今焉出師北伐一舉而平南燕亦可少伸
志士憤鬱之氣彼慕容超者雖凶暴不若
劉石然亦鮮卑之餘耳取而戮之良不為
過然猶恨劉裕未能廣弔伐之意使義聲
昭布於平下舉四海而平壹之尚可以滅
國之事責之哉此綱目於南燕之克書之
初無貶詞也况超既不降則斬之建康宜
矣若夫他日姚泓既受其降而又戮之此

則裕之
過歟

盧循寇長沙南康廬陵豫章陷之劉裕引軍還

初徐道覆聞劉裕北伐勸盧循襲建康不從
自至番禺說之曰本住嶺外豈將以此傳之
子孫邪正以劉裕難與為敵也今裕頓兵堅
城之下未有還期我以此思歸死士掩擊何
劉之徒如反掌耳不乘此機而苟求一日之
安裕平齊後以璽書徵君自將屯豫章遣諸
將帥銳師過嶺恐將軍不能當也若先克建
康傾其根蒂裕雖南還無能為矣循乃從之
初道覆使人伐船材於南康山至始興賤賣
之居人爭市之至是悉取以裝艦旬日而辦

預為舟師
之備而使
人不覺

循自始興寇長沙道覆寇南康廬陵豫章皆陷之道覆順流而下舟楫甚盛朝廷急徵裕裕方議留鎮下邳經營司雍會得詔乃以韓範為都督八郡軍事封融為渤海太守引兵還父之劉穆之稱〔集覽〕南康非謂江東道南範融謀反皆殺之康軍此南康本漢之贛縣晉立南康郡東晉置郡城於章貢二水之間今城是也隋為虔州以虔化水為名宋改贛州〔始興〕注見〔質實〕南康郡名注見梁簡文帝建興三年文帝太寶元年長沙郡名注見漢獻帝興平元年廬陵郡名注見元帝元興元年安成〔豫章〕郡名注見漢武帝元鼎五年〔司雍〕二州名司注見秦莊襄王元年三川雍注見唐玄宗開元十一年京兆勃

海郡名注見漢獻帝建安八年南皮

三月江荆都督何無忌討徐道覆戰敗死之〔考〕

〔異〕提要戰下作於豫章敗績死之

無忌自尋陽引兵拒盧循長史鄧潛之諫曰循兵艦盛勢居上流宜決南塘守二城以待之彼必不敢捨我遠下蓄力養銳候其疲老然後擊之此萬全之策也今決成敗於一戰萬一失利悔將無及參軍殷闡曰循所將皆三吳舊賊百戰餘勇始興溪子拳捷善鬪宜留屯豫章徵兵屬城兵至合戰未為晚也無忌不聽與徐道覆遇於豫章賊令彊弩數百



無忌雖違
鄧殷之諫
而敗能死
事則可取

登山邀射乘風暴急以大艦逼之眾遂奔潰
無忌厲聲曰取我蘓武節來節至執以督戰
賊眾雲集遂握節而死
中外震駭謚曰忠肅
明帝太寧二年三吳注見安帝元興元年蘓
武節漢蘓武在匈奴不屈起卧皆仗節故後
人義之因名焉節注
見唐德宗興元元年

發明

起義諸人往往見戕於劉裕之手無
忌雖敗於道覆然能握節而死不失
為忠義之士書之
于册猶為榮也

南涼擊北涼敗績遂遷于樂都

僞檀自將五萬騎伐蒙遜戰于窮泉僞檀大
敗蒙遜乘勝進圍姑臧夷夏萬餘戶降于蒙
遜僞檀懼納質請和蒙遜徙其眾八千餘戶
而去僞檀畏逼遷于樂都姑臧人推焦朗為
主降于
蒙遜
質實樂都郡名注見漢宣帝元康四
年湟中窮泉地名未詳處所姑
臧縣名注見元
帝建武元年

夏四月劉裕至建康

劉裕至下邳以船載輜重自帥精銳步歸聞
何無忌敗死捲甲兼行將濟江風急眾咸難
之裕曰若天命助國風當自息不然覆溺何
害即命登舟舟移而風止四月至建康青州

裕逼王之
勢已成故
謹而書之
桓氏滅

刺史諸葛長民、兖州刺史劉藩、并州刺史劉道憐，各將兵入衛。藩，毅之從弟也。**質實**

建康郡名。注見漢獻帝興平二年。輜重。注見周顯王三十六年。青州。注見漢桓帝永康元年。下邳縣名。注見漢高帝六年。劉藩，掖人。兖州。注見周安王五年。濮陽、并州。注見齊明帝

建武三年

五月，豫州都督劉毅及盧循戰于桑落洲，敗績。

循進逼建康

毅將自拒盧循，裕與書曰：「賊新獲利，其鋒不可輕。今脩船垂畢，當與弟同舉。」又遣劉藩諭

止之。毅怒，謂藩曰：「往以一時之功，相推耳。汝謂我真不及劉裕邪？」投書於地。帥舟師二萬發姑孰。五月，與循戰于桑落洲，毅兵大敗，棄船步走。其眾皆為循所虜。循聞裕已還，與其黨相視，失色，欲退還尋陽。取江陵，據二州，以抗朝廷。徐道覆謂宜乘勝徑進，固爭累日。循乃從之。裕募人為兵，賞之同京口。赴義之科，發民治石頭城。議者謂宜分兵守津要。裕曰：「賊眾我寡，若分兵屯守，則測人虛實。且一處失利，則沮三軍之心。今聚眾石頭，隨宜應赴。既令彼無以測，又於眾力不分。若徒旋轉集，徐更論耳。」朝廷聞劉毅敗，人情恟懼。時北師始還，將士多創病。建康戰士不盈數千。循既克二鎮，戰士十餘萬，舟車百里，樓船高十二

通鑑綱目 卷二十三
交孟昶諸葛長民欲奉乘輿過江裕不聽參軍王仲德言於裕曰明公新建大功威震六合妖賊既聞凱還自當奔潰若先自遁逃則勢同匹夫匹夫號令何以威物裕甚悅昶固請不已裕曰今重鎮外傾強寇內逼人情危駭莫有固志若一旦遷動便自土崩瓦解江北亦豈可得至設令得至不過延日月耳今兵士雖少自足一戰若其克濟則臣主同休苟厄運必至我當橫尸廟門遂其中來以身許國之志不能草間求活也昶恚甚請死裕怒曰卿且一戰死復何晚昶乃抗表曰臣贊北伐之計使狂賊乘間至此謹引咎以謝天下乃仰藥而死循至淮口中外戒嚴琅邪王德文都督官城裕屯石頭謂將佐曰賊於新

亭直進其鋒不可當宜且避之若迴泊西岸此成擒耳道覆請於新亭至白石焚舟而上數道進攻循曰大軍未至孟昶望風而裁以大勢言之當計日潰亂今決勝負於一朝既非必克之道且多殺傷士卒不如案兵待之道覆嘆曰我終為盧公所誤事必無成使我得為英雄驅馳天下不足定也裕登城見循軍引向新亭顧左右失色既而迴泊蔡洲乃悅遂柵石頭淮口修治越城築查浦藥園廷尉三壘皆以兵守之明日循伏兵南岸使老弱乘舟向白石聲言悉眾自白石步上裕留沈林子徐赤特戍南岸斷查浦戒令堅守勿動裕北出拒之林子曰妖賊此言未必有實宜深為之防裕曰石頭城險淮柵甚固留卿

通鑑綱目 卷二十三 晉安皇帝義熙六年 正編

在後足以守之矣。又明日循焚查浦，赤特將擊之。林子曰：衆寡不敵，不如守險以待大軍。赤特不從，出戰大敗。林子據柵力戰，賊乃退。復引兵大上，至丹陽郡。裕帥諸軍馳還石頭，斬赤特，出陳於南塘。**集覽**：創病，創初莊反，刀箭所傷也。而飲藥也。按司馬君實明妃曲白頭蕭太傅被讒，仰藥更無疑。注仰去聲，仰藥自殺也。

質實

姑孰縣名，注見明帝太寧元年。桑落州，注見元興三年。江陵縣名，注見漢獻帝建安十三年。石頭城名，注見漢獻帝建安十七年。京口郡名，注見成帝咸和二年。六合，注見唐僖宗廣明元年。琅邪郡名，注見漢光武建武九年。淮口，淮水之口，注見漢後主延興

二年。新亭，注見元興元年。白石，即白下壘名，注見宋明帝泰始元年。蔡洲，注見梁武帝太清二年。越城，注見明帝太寧二年。查浦，壘名，未詳處所。藥園，壘名，未詳處所。廷尉，壘名，未詳處所。

柔然圍魏師於牛川，魏主嗣救之，可汗社崙走死弟斛律立。柔然，北狄國名，注見孝武帝太元十二年。牛川，疑地名，未詳處所。

六月，劉裕自為太尉、中書監，加黃鉞，復辭官而受黃鉞。黃鉞，注見漢後主建興六年。

辭官而受黃鉞

黃鉞，注見漢後主建興六年。

書法

上書自為下書復辭後書始受辭繁不殺裕之譎見矣

發明

嗚呼乘時而邀利者市井小人之志也是時寇賊滔天國祚危若綴旒裕亦何忍自進其爵位而又作偽以辭之哉况左仗黃鉞乃武王伐紂之事自司馬昭謀篡魏始假此為威制中外之具裕又率而行之如此一轍然前史書此則若出於朝廷之命者豈知黃鉞之加非清朝令典裕苟無風旨晉朝詎敢行此綱目書之如見其肺肝然天下果可以文欺也哉

○宗室司馬國璠自弋陽奔秦

桓玄之亂河間王曇之子國璠叔璠奔南燕還寇陷弋陽至是奔秦秦王興曰劉裕方誅桓玄輔晉室卿何為來對曰裕削弱王室臣宗族有自修立者裕輒除之方為國患甚於桓玄耳

質實

河間郡名注見漢帝玄更始二年弋陽郡名注見武帝泰始二年

書法

宗室自劉縯外未有書者此其書宗室何惡裕也裕志移晉鼎先除枝葉於是國璠遠禍出奔綱目書曰宗室司馬國璠奔秦又書曰宗室司馬楚之據長社皆罪裕之辭也國璠書自弋陽奔秦言遠避也

秋七月盧循退還尋陽劉裕遣兵追之

盧循寇掠諸縣無所得謂徐道覆曰師老矣不如還尋陽并力取荊州據天下三分之二徐更與建康爭衡耳遂還裕質實使將軍王仲德等帥眾追之質實尋陽縣名帝建安十五年荊州注見漢獻帝建安十二年建康郡名注見漢獻帝興平二年

劉裕遣將軍孫處等率兵襲番禺

劉裕還東府大治水軍遣將軍孫處沈田子自海道襲番禺眾以為海道艱遠必至為難且分撤見力非目前之急裕不從敕處曰大軍十二月之交必破妖虜卿至時先傾其巢窟使彼走質實東府城名注見元興元年番禺縣名注見漢武帝元鼎六年無所歸也

年

譙縱使桓謙會秦將苟林入寇荊州刺史劉道

規大破斬之考異斬當作誅

譙縱遣使請兵於秦以謙為荊州刺史使帥眾二萬寇荊州秦王興遣將軍苟林帥騎兵會之謙以道召募義舊民投之者二萬人謙屯枝江津江陵士民多懷貳心道規乃會將士告之曰聞諸長者頗有去就之計吾東來文武足以濟事若欲去者不相禁也因夜開城門達曉不閉眾咸憚服莫有去者魯宗之帥眾數千自襄陽赴救或謂宗之情

桓氏滅

未可測道規單馬迎之宗之感悅道規使之
居守委以腹心自帥諸軍攻謙水陸齊進戰
於枝江天門太守檀道濟先進陷陳大破之
謙林皆走並追斬之初謙至枝江江陵士民
皆與書言城中虛實許為內應至是簡得之
道規悉焚不視眾乃大安桓石綏亦起兵於
洛口梁州刺史傳詔質實一統志云枝江古
討斬之桓氏遂滅羅國地名漢始置
枝江縣屬南郡以蜀江至此分為諸洲故名
唐析置長寧縣以枝江省入大曆中復置枝
江省長寧宋省入松滋後復置徙治漸洋洲
又遷治下沱市元仍舊本朝因之改屬荆
州府天門郡名本漢武陵郡零陽縣地孫吳
以武陵分置天門郡治零陽晉因之陳為石

門郡隋罷郡為石門縣屬澧州唐宋元皆仍
舊本朝因之改屬岳州府襄陽郡名注見
漢獻帝建安十二年洛口洛水
之口注見漢光武建武三年

西秦攻秦畧陽隴西諸郡克之

質實

畧陽郡名注見懷帝

永嘉四年隴西郡名注見秦王政三年

冬十月劉裕南擊盧循

劉毅還至建康降為後將軍固求追討盧循
長史王誕密言於劉裕曰毅既喪敗不宜復
使立功裕乃帥劉藩檀韶等南擊循以毅監留府

徐道覆寇江陵劉道規大破之

徐道覆帥眾三萬趣江陵，奄至破冢，江漢士民感劉道規焚書之恩，無復貳志。道規使劉遵別為遊軍，自拒道覆於豫章口，前驅失利，遵自外橫擊，大破之，斬首萬餘級，餘悉赴水死。道覆單舸走還湓口，初道規使遵為遊軍，眾咸以為彊敵在前，唯患眾少，不應分割見力，置無用之。

質實

豫章郡名，注見漢武帝元鼎五年。湓口，浦名，注見元

典三年

十一月孫處攻番禺拔之

盧循兵守廣州者，不以海道為虞。孫處乘海奄至，會大霧，四面攻之，即日拔其城，處撫其

舊民，戮循親黨，勒兵謹守，分遣沈田子等擊嶺表諸郡。

十二月劉裕及盧循戰於大雷，又戰于左里，大

破之，循及道覆南走，裕遣將軍劉藩等追之。

劉裕軍雷池，盧循揚聲不攻雷池，當乘流徑下。裕知其欲戰，進軍大雷。循及徐道覆帥眾數萬，塞江而下。裕悉出輕騎及水軍擊之，又分步騎屯於西岸，先備火具。裕以勁弩射循軍，因風水之勢以蹙之。循艦悉泊西岸，岸上軍投火，循道覆兵大敗。將趣豫章，乃悉力柵斷左里。裕至攻之，麾兵將進，麾折幡沈，眾皆懼。裕笑曰：「往年覆舟之戰如是，今乃復見，必

破賊矣，卽破柵而進，殺溺死者萬餘人，循收散卒，徑還番禺，道覆走保始興，裕遣劉藩、孟懷玉等追之，遂還建康。劉毅惡劉穆之，每言其權太重，裕益親任之。**集覽**雷池，志曰：雷池源去宿松縣界東流二百餘里，經望江縣南五里，龍潭河合流三十里，出大江。此卽天雷池也。按宋書郡國志：西岸有雷江，卽此大雷。本漢之皖縣地。晉安帝置大雷戍，後置新冶縣。陳置大雷郡，隋廢爲義鄉縣。後改望江縣。唐置高州，後復爲縣，屬舒州。今安慶府望江縣是地。稱三孝有王祥卧冰池，孟宗泣竹臺，徐仲源孝感山，舊跡存焉。**左里**文選：歐陽脩廬山高，是爲揚瀾。左里，**左里**注云：揚瀾左里二灘名也。里本作蠡，南康志云：存蠡。

湖一名宮亭湖，卽禹貢彭蠡湖也。在城東南五里，與揚瀾相對。按禹貢：彭蠡既豬，蔡氏傳曰：地志：彭蠡湖在豫章郡饒州南康軍三州之地。江東諸水跨豫章郡饒州南康軍三州之地。今所謂鄱陽湖者是。麾折幡沈，大將之旗曰麾，所以指搗也。幡亦旗屬，謂麾竿折斷而幡沈溺于水中。往年覆舟之戰，如是。元興三年，與桓玄戰于覆舟山，時其幡竿亦嘗折斷。後大破玄軍。**質實**一統志云：雷池在安慶府望江縣，積而爲池，又十五里，大大江名雷港。大雷，晉之戍名，卽漢之皖縣地。東晉置新冶縣于此，屬晉熙郡。陳於此置大雷郡，隋改爲義鄉縣，又改望江縣，屬興州。唐初於縣置高州，尋改

智州未幾州廢以縣屬舒州宋元仍舊本
朝因之改屬安慶府左里城名在南康府都
昌縣西九十五里晉盧循爲劉裕所敗
自蔡洲南走乃悉力柵斷左里卽此

資治通鑑卷之二十三

